

第十八

好洲詩鈔

益公省齋藁鈔

益公平園續藁鈔

文公詩鈔

十八

柳田文庫
文庫11
D 156
18

文獻 11
D 156
18

竹洲詩鈔

五十

吳儆字益恭初名偁避秀園諱改名登紹興二十七年
進士調明州鄞縣尉歷官至朝散郎知邕州軍州轉泰
州乞祠主管台州崇道觀卒于淳熙十年謚文肅當時
朱子及張南軒呂東萊陳龍川范石湖葉水心陳止齋
諸公咸與友善其自邕而入對也南軒書孔子之剛曾
子之勇南方之強三章以誌別嘗作尊已堂記朱子見
之喜曰往者張荊州呂著作皆稱吳邕州之才今讀其
文又見其所存其為聖賢所許如此四方從學者尊為
竹洲先生

吳子既結茆竹洲以娛親復於居之前沼為亭以朝
爽名之蓋亭西面於晨興看山為宜

竹洲寺少



010190554282

48-12189

抱甕自灌園勝游貴人門有口自酌酒勝與俗人言園中
多蔓草晨夕費鋤芟遇夜或風雨安得久盤旋村酒不常
有有亦多苦酸而况醉中語繆誤人所嫌不如飽喫飯清
風北窗眠眠多則無覺夢境仍多端惟有古斷簡言行皆
聖賢讀之未竟篇昏如夢間讀竟亦何爲聚訟徒喧煩
厭煩以靜勝又類枯木禪握苗不耘苗亡羊兩茫然何如
池上亭虛曠可看山山色日夕佳晨興夜氣還宴坐日過
午清陰猶未遷西山倦挂頰南山興悠然晚山雖好不遮
日誰能觸熱望長安

和孫先生彥及棣華堂詩韻

伏蒙頒示棣華堂詩引援古今發明大義使學者知不
徒事汗墨而已讀之凜然增手足之愛佩仰厚賜亡以

爲喻輒依元韻亂道拜呈

大雅久不作聲色淫鄭紫古來非一秦焚厄故如此西都
盛經學聚訟自茲始建安委道真典午事玄理錦穀蔚雲
霧組紉亦信美後生不着眼千古空信耳誦習號純儒曠
達稱高士有如富贖賈多藏不能使又如病酒狂沉酣糟
粕旨源流日以遠循襲不爲耻先生秉大雅江東今夫子
持身不夷惠漫仕無愠喜學術心得筌蹄視經史蘭舟
翼桂楫巨川端可涖我家世從公公欲出泥滓愚不堪世
用非人不我以破屋蔭蓬根春薺老墻址寂寞誰肯顧公
獨不我鄙遺之珠玉篇諄諄說友弟直欲障頽波肯與爲
茅靡觀公用意處可與召穆比弟兄吾手足父母吾怙恃
盡此菽水歡還勝有酒醕古來願爲兄日月不可弭聖賢

二句似象山陽明
之見

師百世河海濶千里公如大醫王一世膏肓起

寄題鄭集之醉夢齋

利欲醺人心濃如飲醇耐沉湎死不休寧論千日久豈知
糟丘中醒狂亦時有天地育萬彙亦各賦匹偶人情豈相
遠好惡隨妍醜集之年方壯濯濯春月柳性獨與人殊無
婦奉箕帚丈室誇醉夢作詩詔朋友古來醉夢人亡羊孰
先後寒儒醉糟粕酸澁寧可口莊生夢蝴蝶幻境徒紛糾
富貴得志士列屋羅螭首象牀粲錦幄疎綺淡朱牖酣寢
喚不醒鼻息春雷吼梅花霜雪姿紙帳蔬筍臭問君有何
好甘作老鰥叟窮狀徒纍纍鴛鴦債長負負猶如荷旃人難
論純綿厚但問雪煎茶何如羊羔酒

汪叔耕見訪不數日別去惡語爲贈兼簡子用子美

二友

負勢得老窮掃軌事幽屏茫然羅雀門有客頽而整悲歡
十年別樽酒清夜永妙句時驚人盈軸官領廩三日語未
休霜寒夢歸省臨流分別袂波光照孤影重念吾故人雪
屋清燈冷劉子抱遺經滾井級脩綆曹子中庸學天理窮
性命老驥鼓不作塞旗望公等天晴風日佳何時過魁徑
石鼎然豆萁冰蘆煮湯餅

題陳仲禮四知軒且當折柳之意

陳侯一世豪筆力萬人敵卧之百尺樓平眎劉元德收斂
湖海氣一室僅容膝平生不欺心自護如拱壁客來問字
細論文旋糶官梁買酒樽夜淡四壁冷徹骨酒酣一笑溫
如春三年官滿何所畜滿船稚乳書幾束長安侯門高於

天東薪炊米桂炊玉問君持此將安歸君言歲收可百斛
吾儕本無膏粱念况今老矣其何欲宰相時來則爲之切
莫倒行夸食肉

寄題淳安陳令君讀書林

能吏事深刻商利謹毫釐俗吏趨期會簿書自羈縻寥寥
絃歌聲千古空餘思還淳山水邑令君丘壑姿邑民本無
事君亦何所爲治已物自治化行風漸移君復何所欲讀
書常不足挂腹五千卷挿架三萬軸曾未出毫芒萬室已
蒙福堂東松竹林昔時閔荒榛堂中燈燭光昔時照紅裙
今何聲吾伊蕭蕭風雨晨問君有社稷亦復有人民奈何
獨白苦學道則愛人

陽村道中邂逅趙仁甫

脩途轉清溪孤村帶寒月瀟灑竹間亭意行成小立賓主
莫誰何悠然良自適俄有貴公子胡驄搖寶勒下馬相勞
苦呼酒道疇昔遂令麋鹿姿頗爲人物色佳實進霜堅異
釀引寒碧興盡還獨歸沙頭寒月白

題祝聖寺浮梁道中

金碧照征涂松竹開幽徑山僧壽八十腴貌~~甚~~視聽囊鉢
聲錙銖棟宇視巖整如公方外人咏世一泡影辛勤畢此
生更欲傳不泯當家第父菑居位盡國政咏公豈容誅三
歎發淡省

題古巖舊嘗侍孫先生題名巖中二首

白日瀟瀟松徑靜紅渠冉冉洞門深風涵廣宇生虛籟夢
破西窗上夕陰景物眼前渾似舊塵埃題處恐重尋羸驂

落日孤村路，塵土依然滿病襟。
覆簣一拳進，嵌空百肘寬。僧房因石室，蟻穴夢槐安。塵路
十年別，松風六月寒。淒涼舊題處，不忍更重看。

過叢桂堂故叔祖教授讀書之所

古瓦頽垣迹已陳，孤猿別鶴自哀吟。可憐叢桂烟蕪沒，惟
有一池春水滾。秀木千章新過雨，寒山一帶暮傷心。清風
明月時來此，夢斷雲飛何處尋。

送洪史君赴關移節會府

史君文采漢相如，暫向明時縮左符。為郡似家身似客，視
民如子吏如奴。魯公金石光千古，吏部文章妙兩都。戴白
垂髻相與語，如公治行向來無。

拾梧子

雞犬三家市，蓬蒿一畝宮。春盤厭笋蕨，秋子積梧桐。客夢
五年過，文盟千里同。時清臺省貴，袞袞看諸公。

送錢虞仲兄弟

燈火相從總角初，只今已是十年餘。窮愁懶漫吾猶故，文
采雍容子甚都。借連壁官來同寂寞，歸鞍寧不少躊躇。風
流一別應如雨，儻有來鴻細作書。

和呂守環秀堂三首

久合鳴珂上九門，一麾猶許飽看山。豐年諸縣公事少，燕
寢清香兵衛閑。鳥度屏風明水鏡，雲生畫棟擁螺鬟。向來
蛛網蝸涎污，勝處豈非天地慳。

一州如斗帶溪山，空翠家家遶畫欄。丘壑自非曾次有，雲
煙誰暇靜中看。衣冠共識家風在，閭里方知漢法寬。戴白

垂髫相與語今年有飯飽加餐

田家但識豐年樂見說花城日更長如獲從公時拄笏尚
能援筆俯飛觴雞豚社饗年年酒柿栗園林樹樹霜更倩
漁郎問樵徑溪山深處是吾鄉

休日飲直之運屬家

天與吾人臭味同一官落魄郡城東偶逢休暇追鳧鷖閑
拂塵埃勘鼎鐘適意不知華袞貴醉餘聊看舞裙紅只愁
寒漏催羣動又踏朝靴逐曉風

次徐令韻

少日曾披九虎關誰憐投老却乘邊貳車謾說牛刺史多
稼惟欣大有年榆柳關河無犬吠牛羊阡陌斷烽煙玉關
人老知無用廟界如今出萬全

清明陰雨呈同舍

薄薄輕寒作許陰村村花柳爲誰新良辰欣見百五日冠
者仍餘五六人冷雨淒風連午夜飛花流水一年春窺園
未阻江東興陌上應多翠黛顰

弋陽道中

積雨今朝霽東皋晚日紅人家深蔽樹野水濶浮空久客
仍行役青春已過中嶺頭人望處腸斷白雲東

偶成

晚來一雨破炎蒸蕉葉葵花照眼明稍與燈花尋舊約却
嫌庭樹作秋聲

寓壺源僧舍三絕

風簷浙浙褪新青書展殘燈翳復明讀罷離騷還獨坐此

時此夜若為情
 悶來掩卷已三更
 風露涓涓月滿庭
 閑撲流螢衝暗樹
 危梢點點墮寒星
 歸來閉戶還高枕
 牕隙微通月影斜
 風急忽驚烏鵲起
 空塔藪藪墮松花

益公省齋藁鈔

五一

周必大，字子充，一字洪道，廬陵人。第進士，中博學宏詞科，以教錄召試館職，授秘書正字。至監察御史。孝宗初，權給事中，請祠提點福建刑獄，除秘書少監、直學士院，侍講中書舍人，出知建寧，遷翰林學士，除尚書叅知政事，拜樞密使、右丞相，封濟國公。光宗拜少保，益國公出判潭州。寧宗初，以少傅致仕。卒，贈太師，謚文忠。年七十九。韓侂胄禁偽學，指為罪首，有集二百卷，詩格澹雅，由白傅而溯源浣花者也。

道中憶胡季懷

珍重臨分白王巵
 醉中那暇說相思
 天寒道遠酒醒處
 始是憶君腸斷時

行舟憶永和兄弟

一挂吳帆不計程，幾回繫纜幾回行。天寒有日雲帶凍，江
潤無風浪自生。數點家山常在眼，一聲寒雁正開聲。長年
忽得南來鯉，恐有音書作急烹。

次韻沈世得作式撫幹川泳軒

江山倏晴麗，雲月助色澤。向來面面景，天日誰洗滌。主人
倚晴檻，回首笑謂客。府公實知己，餘事懶經畫。駢蒙廕大
厦，軒窓開澤國。架簷逼象緯，植礎壓鹵斥。仰看天宇大，俯
覺地軸窄。端如倚巨靈，妙手重開闢。此興固非淺，無入不
自適。華闕望中敞，棠陰坐上得。波光動藻井，帆影落几席。
所欣魚依蒲，未許歸見壁。陰晴及朝暮，氣象如幾易。殿二
有餘韻，鳥度無留迹。市聲沉浩浩，漁唱聞昔昔。油幕

流修然晉八伯，淋漓傳翰墨。縱擊間金玉，連壁嘉同志。倚
玉許涼德，頻慙陂量容。未為俗駕勤，惡詩信非備。勿作春
秋責。

和仲寧中秋赴飲莊宅

方語頑陰蔽，月堂坐看涼。吹動枯楊疾，驅雲陣千重。翳盡
放水輪，萬丈光莫問。蚌珠圓合浦，且聽羯鼓打西涼。疎狂
自我何須撓，撓取吹笙玉雪郎。來詩有妙曲撓周郎之句

送趙富支彥博倅洪州

期集分攜五載前，衝泥各上浙江船。如今再贈城南柳，依
舊梅黃夜雨天。辛未四月晦團司結局今復以是日送君

次韻釀飲

層軒發天藏，初日照粉牋。韓退之高雄觀跨鵬背，頰促陋

蠶箔飛緩會蘭亭傳觴寫桑落飲興江海窄逸氣雲天薄
雖無漢侯鯖粗勝周禮醲清歡謝絲竹賀厦驚燕爵圍碁
賭勝負獻俳紛戲謔涼風徧廣坐長夏失重燾柳文燾高
會方繼日初筵今告要令四難并詎止一餉樂明朝傳
絕唱百年無此作薦聞須狗監賡獨恨鼠璞今王馳蒲輪
之子尚蓮幕行參瑚璉用歸助梁棟託謂沈相讀書照青藜
視草詠紅藥回顧廣文寒莫忘雞黍約

次韻趙公直賞心亭釀今古風

晉人誇新亭假日輒高會中間伯仁輩未免楚囚對江山
猶古昔快物已賤昧東郊今保釐翠華記行在佳麗壓誰
楚追遊勝冠蓋茲樓貫城雉于邁無小大令威雖不歸
初茲靈光故無碍黑雲互明滅川郭相映帶當年烏衣巷
此日思一概從容值休沐登臨多慷慨幽懷忽軒豁細故
絕芥蒂已壽詩社盟更許食期戒佳實滿坐上好風來天
外舟移白鷺洲名遠目送飛鳥快方種淵明秫粗免監河贊
一醉儻可期與君時倒載

送鄧曹根移帥揚州

聞道維揚地望雄風流人物似江東六龍前日臨淮海五
馬由來說醉翁碧月幾橋留夜色珠簾十里待春風遙知
九日平山會笑插茱萸滿鬢紅

送蔡德輝理教授

晚折臺城楊柳枝夕登瓜步狒狸祠請君收拾江山助歸
和薰風殿閣詩

留別蘇仁仲通判

公才豈合尚題與，天遣寒儒此曳裾。午夜燈花曾共賞，三春樂事未全疎。尊前窈窕傳新唱，耳畔瀾翻聽異書。此別不須勤戀惜，君王日日問嚴徐。

送光祿寺丞李德遠請春祠

君家臨川我廬陵，兩郡相望宜相親。長安城中初結綬，石灰橋畔還卜鄰。扣門問道日不足，篝燈照夜論心曲。寸莛邪許撞洪鐘，跋鼈近將隨驥驟。聞君上書苦求歸，君今豈是當歸時。滿朝留君君不顧，我雖歎息何能爲。莫攀楊柳濤江岸，莫唱陽關動隼斷。行行但祝加餐飯，潮落風生牢繫纜。

恩許奉祠子中兄重寄

迂儒豈足助維新，日奉威顏謝主臣。可罷本非緣一事，致疑初不怨三人。弟兄有祿供溫飽，畎畝何階答聖神。此去讀書真事業，向來正字誤根銀。

次韻子中兄相迎詩中有莫松楸之語追念別後叔

母子柔下世故卒章及之

浙水秦淮度十霜，官清誰薄簡編香。向來怪處鳥身樂，歸去喜同燈燭光。身近廣寒猶內熱，手遮赤日却心涼。只愁初踏江邊路，封土纍然似斧堂。

重九竹園見梨花懷子中兄

曾花著雨卽塵埃，何似深秋耐久開。菊尚無多饒瑞質，霜如有意護香腮。也知林下風光早，不爲山中曆日催。望斷行人思折寄，却疑呼作嶺頭梅。

十月十七日大椿堂小集胡從周季懷以予目疾皆

許送白酒彌旬不至戲成長韻

畏疾甚畏威目昏口止酒爾來時一中免使論薄厚儀康
久廢祠釀具散莫糾椽藥山已焚種秫時轉後門稀問字
客室乏借書在尚賴金石交每顧貧病叟前時相娛樂如
對疏廣受有漿不待乞似驗歲在酉今日掃風軒明日茗
園藪白衣雨不來往往化烏有頗聞繼高會露醉牛馬走
寧忘伐木詩酷胥各朋友或疑夾西江耻復餉升斗胡不
玩易象樽蓋納吾牖二義倘未然諾責何為負君兮優阮
籍僕也減充守結交十五年果可不飲否食言能無肥有
字乃免咎速宜倒糟床走送昔與醜勿學比舍郎夜半招
吏部

送七兄監廟赴南宮兼呈大兄知縣

河梁曾誦送行篇蝸角牛毛十五年畢竟中間多夢爾
冷相對各蒼然蕭蕭暫隔連牀雨蕩蕩初行萬斛船誰近
上林看躍馬東陽詩句定先傳

題神岡廟

其神蓋六朝時劉竺使君也

岸斷川平拔一峰丹青剝落古靈宮邦人歲久忘遺愛賈
客時來乞好風二水有情猶磬折霜楓無數尚旗紅岡頭
故趾宜亭榭城郭江山在眼中

甲申中秋子中兄賦詩有八月分圓二十年之句蓋

歎中間多難且離別未嘗為此會也次韻

世事渾如蚋過前刀頭喜對鏡飛天陰晴萬里同茲夕離
別前時照幾年此去莫令疎會合從來無意必騰騫幾患
種秫迎佳節窮鬼還來笑買田

近屢為此計垂成輒感

夜坐困甚

馬通薪熱夜爐深，柱膝承顏夢欲成。不記坐來湯沸鼎，却疑蓬底聽灘聲。

次韻王少府送蕉坑茶

昏然午枕困漳濱，醒以清風賴子真。初似參禪逢硬語，久如味諫得端人。王程不趁清明宴，野老先分浩蕩春。敢向柘羅評綠玉，待君同碾試飛塵。

二月十七夜與諸弟小酌嘗榧實誤食烏喙烏喙堇也古書云以堇實泔殺人戲成韻

伏神老芋不傷生，江蟹彭其禍亦輕。我獨好奇嘗泔堇，誤思榧實殺三彭。

永新賀升卿攜中原六圖相過論古名將出師道路

形勢可指諸掌為賦詩

歷歷山河一卷書，博聞疑是古潛夫。金城未入職方考，玉坐正披輿地圖。取虢不應須假道，勝齊終困用真儒。從來美玉勞三獻，豈比巾箱襲碣砮。君嘗再上書

次韻芮曹國憶去年上元二首

使節番禺重，中朝社稷臣。喜沉刁斗夜，遠布玉墀春。古寺看紅葉，報恩寺菩提葉燈最佳蕃街試幻人。餘歡曾畫否，應記繞梁塵。

門外入隨月，窓前竹動風。老便佳節靜，病幸綠樽空。春至鴻聲北，人遙蝶夢東。隔年詩有債，生理固知窮。

病中次務觀通判韻

老眼亂蟬翼，樂事歎何有。今年不銜盃，更暇問濡首。愛山

空在山、藪、植、詎、容、走、塵、埃、登、高、帽、生、澁、彈、碁、手、三、年、一、蒲、團、近、者、坐、欲、朽、朝、來、獨、何、事、乾、鵲、窺、甕、牖、開、門、得、新、詩、刮、膜、如、釋、負、卷、舒、幾、百、回、呼、舞、駭、鄰、友、吾、曹、交、以、淡、悠、久、或、采、韭、此、味、只、自、知、它、人、薄、玄、酒

曾英發運幹頃攜二詩相過今復寄贈大篇且惠漢唐金石刻輒次前韻道謝

君家奕葉播芳馨室有圖書暴兩榮詩什編成風雅頌章臨編草真行興來文陣千軍掃醉後談鋒一坐傾已許春風來過我從今日日聽嚴程屢空不擬論錢神多病惟思對藥臣驟獲斷碑勝與縞徐觀妙語可書紳起予字字典三歎集古駸駸訪九垓欲寄嘉州遜何物折楊聊復和韶鈞

青衣道人羅尚簡論予命宜退不宜進甚契鄙心

日求詩為賦一首

亦知磨竭直身宮懶訪星官與曆翁豈有虛名望蘇子謾令籤惡似韓公時清早退人誰有命薄當閑我自通破戒問君君會否九人於此不相蒙

立春日飲羊羔酒

姚魏紛紛殆百家天香一出自無譁傷多莫厭扶頭酒肯少翻嫌滿眼花康樂舊聞宜水竹翰林新調帶煙霞從渠草木呈新巧終愧吾公正且葩

頃創碁色之論邦衡深然之明日府中花會戲成一絕

局勢方迷碁有色歌聲不發酒無歡明朝一彩定兩賽國

手秋唇雙牡丹
醉紅政不妨文飲呼白從來要助歡暮色應同三昧色
丹何似九秋丹

池陽四咏之二

夜泊清溪弄水亭棹謳徐起月華明水晶宮畔西湖上除却兩邦無此情右弄水亭

天遣江山助牧之詩材猶及杜筠兒向來稍喜唐風集今信樊川是父師右杜筍崔村

再登翠微亭和同年湯平甫

相君早自翼天飛晚落江湖罪以疑好事一時開翠壁佳名千古紀黃扉朝遊要及鴉翻樹夕返何妨螢濕衣更得湯休奇絕句後來誰憶謝元暉

贈黃格非

詩社飄零二主年春官老子復登仙豫章幸有橫枝在好覓鸞膠續斷絃

次韻胡邦衡相迎

路逢驛使嶺頭回喜得新詩勝得梅情似春風縹楚柳句如騰雪屑韓瑰至今臺榭求賢席底事公銜樂聖杯台路六符行復煥丹心一寸未應灰

向以書戲邦衡云某自廬山游西山當就近公召節今邦衡有詩督此語不驗次韻

慧遠遙同社洪崖近拍肩松枝年紀萬葉實歲踰千天池在廬山

山絕頂有萬年松香城徑欲通天漢因擢酒船師漕用在西山絕頂有千年葉致厨四十尊香城均一握易地即皆然邦衡所居亦曰香城山

遊廬山弔大林

上盡諸峰地轉平，天低雲近日多陰。古來南北通雙徑，此去東西啓二林。虞世南碑從泯沒，白居易序合推尋。康廬第一推仙境，遂使如今忍陸沉。

天地觀文殊燈

代馬腥羶暗五臺，南方世界且徘徊。一燈別是真知識，不用奔波學善財。

贈西賢藏主可昇

眉州人與予同庚

我比今年百不能，只餘霜鬢愧師兄。慇懃覓句無言說，其撥寒灰聽水聲。

遊廬山舟中賦四韻

南北周廬阜，東西徧九華。宴安無醜毒，痼疾有煙霞。淡味村村酒，甘香院院茶。馳驅君莫厭，此出勝居家。

陳宰有詩來迎次韻

沿浙江湖樂有餘，滔滔何必歎東徂。賞心到處窮佳境，好事逢人得異書。風浪送颿時一快，魚龍潛穴不須驅。歸來正使無泥洗，合壓香醪作歲除。

是行徧歷九華三茅巨廬西山天籟書簪碑刻頗富

登龜山次七兄韻

注波緣壁化城中，客温奴嗔我亦慵。及至龜山還一止，為憐高閣對雙峰。

贈崇壽寺僧善修

老僧九十視耽耽，二十年來不下山。我得九華充法供，亦能禁足老山間。

望皖公山

太婆嶺獨高秋浦院公山正望龍舒端如牛女隔天漢不似彭郎近小姑

遊廬山佛手巖雪霽望南山

十日頑陰不見山山中一夜雪封庵伊予時有尋山分日照北窓雲在山

胡邦衡相過賞金鳳許詩未送復作木犀會二花殆

是韵對

身閒端合醉秋光兩地名花况並芳金作鳳形如許巧木成犀裏若為香髻頭自笑辜釵色沙面誰知識帶黃莫問詩壇掩旗鼓天生的對欠平章

邦衡置酒出小鬟予以官柳名之聞邦衡近買婢名

楚梅以為對

濁水難攀清路塵偶曾先後掌絲綸歸來久侍茵憑舊至後初逢梅柳新湖水欹斜應有意蘇詩日出水斷湖水春光漏洩不無因絳帷幸為天荒破日日當為問道人

戊子歲除以糲代酒送邦衡邦衡有詩見戲仍送牛

尾狸次韻

先生豈比習池徒薄醞仍慙校尉厨獻柵聊將追拒枚舖糟只欲伴屠酥削肌知自何人手灌頂疑嘗釋氏醐必許尋花兼問柳敢辭挈榼更提壺來詩有尋花句

邦衡再送二詩一和為甚酥二和牛尾狸

金谷烹煎豈我徒磨春爭語夜關厨六年不賜湯官餠除日猶分刺史酥是日饒守送酥用東坡謝洞守故事小惠無多真畫餅大篇有味勝清醑遙知發纂烘堂處不見蒸鵝只瓠壺

追跡猶應怨獵徒。截肪何敢恨庖厨。繪鱸湖上曾誇玉。煮
豆瓶中未是酥。伴食偏宜十字餅。先驅正賴一卮餠。却因
玉面新名字。腸斷元正白獸壺。牛尾狸一名玉面

後兩日大雪。邦衡復用前韻作窮語戲和。

天憐寓客混緇徒。十日無煙香積厨。莫雪故教投碎米。饑
涎那更忍流酥。旃毛嚼盡寒生粟。風絮吟時韻怕酬。誰似
維摩坐芳褥。散花別是一方壺。

巳丑二月七日雨中讀漢元帝紀效樂天體

昭君顏如花。萬里度雞漉。古今罪畫手。妍醜亂羣目。誰知
漢天子。祛服自列屋。有如公主親。尚許穹廬辱。况乃嬪嬙
微。未得當犢鷲。奈何弄文士。太息爭度曲。生傳琵琶死
對青塚哭。向令老後宮。安得載簡牘。一時抱微恨。千古

贖馘。因嗟當時事。賢佞手反覆。守道蕭傅死。效忠京兆

史臣。一張紙。此外誰復錄。有琴何人操。有塚何人宿。重

不重德。聊以砭世俗。古今賦昭君曲雖太賢所不免

胡邦衡生日。以詩送北苑八銖。日注二瓶。

賀客稱觴滿冠霞。樓名懸知酒渴正思茶。尚書八餅分闕

主簿雙瓶揀越芽。見梅聖俞謝宣城主簿詩。妙手合調金鼎鉉。清風

到玉皇家。明年勅使宣臺餽。莫忘幽人賦葉嘉。

邦衡再和次韻

金章紀出氣凌霞。不愧君王坐賜茶。講讀罷何商嶺烹來

思舊樣。王元之詩云。樣標龍鳳號。題新賜得還。因作近臣

蕭氣。團似三秋皓月輪。愛惜不洛泉煎處歎新芽。唐劉言

齊惟恐盡除。除供養白頭親。詩評未怕人生癩。監濟惟防賊破家。史與

都春北野泉煎茶。詩云。粉洗越筵芽。

欲蒼生蘇息否。剛嚴須是相王嘉。

邦衡用舊韻慶予生朝賡續為謝

蓬山落拓復經春。宦海茫茫懶問津。志節漸銷平日壯。

毛空比去年新。午橋早並緋衣相。一月還同赤壁人。

六月生。子丙午七月生。同居廬陵。故特比裴度周翰二公事實。天造駑駘追驥跡。無如

德異疵醜。

賀范志能農圃堂

荒淫吳以顛。戰勝越云吉。是非兩安在。阡陌眇蕭瑟。公來

開別墅。草莽手爬櫛。陰晴及寒暑。每到皆勝日。新詩弔興

廢。收拾滿箱帙。有客師元亮。甫謝彭澤秫。幸分北窓風。容

此易安膝。

入直召對選德殿賜茶而退

綠槐夾道集昏鴉。勅賜傳宣坐賜茶。歸到玉堂清不寐。月

鈞初上紫薇花。

過鄒子湖

萬頃湖光似鏡平。蜿蜒得得導舟行。從來仕路風波惡。却

是江神不世情。

奉祠還姪繹以詩相迎次韻

聖朝有道合羞貧。清畫那容裏路珍。金馬玉堂辭漢殿。桃

花流水訪秦人。敢吟莫莫休休句。且佚膠膠擾擾身。高會

竹林欣有日。速筇玉友釣溪鱗。

前歲冬至與胡邦衡小語端誠殿下道直下書事今

年邦衡舉易緯六日七分之說。輒用子美五更三

點為對。後數日得劉文潛運使書記法。在館中圖

拜人今作八處感歎成詩

青城小語慶新陽。共向紅雲拜玉皇。六日七分驚歲月。五更三點憶班行。屬車誰從黃麾杖。釣艇還飛白羽觴。猶勝去年三館客。十人八處更相望。

十二月十九日餞劉文潛運使。明日書來云。醉夢中作小詩。但記後兩句爲足成之。

幽人門巷冷於冰。使節光華甯再登。今夕青燈話三館。明年何處說廬陵。

臘旦大雪。運使何同叔送羊羔酒。拙詩爲謝。

未雪冰厨已擊鮮。雪中從事到君前。淺斟未辦銷金帳。快瀉聊憑藥玉船。醉夢免教園踏菜。富兒休詫饌羅羶。爛頭自合侯關內。何必移封向酒泉。

簡提刑吳大卿

宗正

勅四路獄二首

瑞節頻移意可知。西川西廣又江西。蘇黃到處君行部。物色分留待品題。

堆勝橫看白鷺洲。青源穩着釣臺幽。魯公翰墨師川句。訪古何妨與一遊。

丁酉二月二十日同部中諸公遊下竺御園坐枕流亭觀放開桃花數萬隨流而下。繼至集芳

也是時海棠滿山。郁李滿欄。殆不類于人間。世明日入部。而桃花數枝伶俚窓外。未時內直。則海棠郁李各一株方開。遂賦此二絕句云。

萬點紅隨雪浪翻。恍疑身在武陵源。歸來土界多官府。人與殘花兩不言。

清勝堂前花萬重，玉堂署裏兩芳叢。應憐高直清無侶，聊伴衰翁宿禁中。

季懷設醴且示佳篇再賦一章以酬五詠

卯飲高樓徹莫霞，絕勝茆屋已公茶。筠包句好逢真賞，荷葉甌深再嫩芽。詩老坐中容我輩，朝賢乞處藉吾家。詩來歐公茶詩故用筠包詩老事孟郊馬詩來周況于朝賢乞茶詩云越甌荷葉空從來佳茗如佳什屢酌親朋味轉佳

尚長道見和次韻二首

詩成蜀錦燦雲霞，宮樣宜嘗七寶茶。壓倒柳州甘露飲，子

茶詩猶同甘露飲洗空梅白膏芽。聖俞茶詩春芽研白膏睡魔豈是驚

將茗戰都緣避作家，怪底清風失炎暑。朝來吉甫誦嘉

連日雨涼

鍾山處士映高霞，止酒惟親睡起茶。遠向溪邊尋活水，手竹裏試陽芽。一甌休問帝前席，七椀且同僧在家。所說叔孫無五善，若為重拜晉君嘉。

項雲夢至善生院賦詩一聯已丑七月十三日因遊

續成一絕

門外千竿竹繞牆，清風終日注回廊。五年未續夢中句，得來追三伏涼。

七月十五日邦衡用前韻送薰衣香二帖韻為謝

天香猶帶曳裾霞，銀合行參到闕茶。故事召用兩府將到闕中使賜銀合茶藥

香及賸馥欲沾吾臭味，普薰聊發善萌芽。心清此去誇僧舍，

意可由來出內家。乞與博山添正氣，漸巖曾辱更生嘉。劉

薰爐銘云加此正氣巖巖若山

萬安韋邦彥字俊臣攜王民瞻楊廷秀謝昌國絕句
相過次韻勉之

盧谿筆力透天心，楊令文追正始音。更讀池塘惠連句，識
君何待接清襟。

後學爭歆兩後中，前賢久澤霧中文。韋郎勉力追三傑，
日人還做五雲。

送梁山長老智顯

秦人溪畔漢人山，萬木參天六月寒。寫向湯休詩集裏，老
夫要作畫圖看。

昨以清醇之酒為邦衡侍郎壽，乃蒙惠詩且約深秋
清集。至時侍郎當捨芙蓉而面三槐，某已歸東籬
悠然見南山矣。次韻為謝。

觚稜回首六經春，重挈荷囊止要津。桑下未忘三宿戀，柳
邊仍喜一番新。即開東閣招奇士，快與西湖作主人。濁酒
誇張真過矣，如公詩句乃清醇。

從駕過德壽宮，馬上得程泰之次庚寅玉堂舊韻。有
銀章金帶之戲，走筆為謝。

推敲也復從鳴鑿，鳳沼詩盟故未寒。兩制空煩舍人樣，
仍連直講殿明朝。豈兩般畢竟五金如五味，莫因黃白議
賦酸。

程泰之昨有金帶銀章之句，十二月二十八日乃因
押伴北使赤岸御筵服重金侍宴紫宸殿，坐間遣
作數語為戲。後兩日復得其詩，亦再次韻。

甚日重黃侍御鑾。幾時八坐佩金寒。古詩云：眼赤何時雨。橫腰甚日重。杜工部
云：連枝不日並。殿庭屬目誇新貴。閩門官部曲低頭拜舊
八坐幾時除。五日尹京非細事。四時仕宦固多般。秦
今秦之嘗二春官。今春服綠夏開階。維今重行隔品詩仍捷。應笑官卑語秦
借金紫真傳游藝也。酸。

次韻徐元敏權貨同年

當年駕鶴豈驂鸞。對躡丹梯上廣寒。綠鬢旋同依帥府。華
顛今並列王官。文才似我無多子。契分於君有四般。唐人
年詩云：契分四般同。念舊不妨頻枉駕。甕頭隨意酌甘酸。

邦衡侍郎留金陵。再用津字韻賦詩謝送賜茗。復以
丙申小春四鈐寄贈。

摩厯又貢第三春。驛騎星馳渡劍津。七祖師泉難話舊。謂

源八功德水且嘗新。雪亭烹處休裝景。火閣煎時却可人。
只恐春從官柳。邦衡侍動樂天還欲醉精淳。唐朱敬則傳

聞西省賞醪。醪芍藥戲成小詩奉簡秦之侍講舍人
年兄併以丁香橄欖百枚助筵。却求殘花數枝。

羣玉園中作主人。紫薇花底會嘉賓。風光總屬程夫子。好
念文昌寂寞春。

滿架冰肌含碧雲。翻階翠袖映紅裙。玉堂只有金沙在。伴
直明朝又屬君。翰苑僅有此花。秦之明。龍直宿。

酒頰桐馬莫分甘。金賜麟蹄拍敢尖。紅白賞殘堪底用。雨
中折贈未傷廉。日歷所進書賜金及酒多。

從來引玉即拋磚。自笑囊空百不堪。賴得酒酣須茗飲。聊

將青子助回甘

次韻閩州部才元楊梅

炎官傘照濤江紅五月獻果明光宮越人一校古所重蜀

無他楊譜則同蜀中絕無楊梅玄珠更將赤水浴流火呈祥復王

屋下伴長安黑彈丸殺吏驚人寒起粟新詩字字含芳鮮

大書遺我敦同年請君速訪天竺老食白追繼仇池仙東坡

寄天竺辨才詩云且食白楊梅蓋山中實有此果而蜀人淫遊詩者偶未知耳閩亦蜀人

六曹長貳觀潮予以入直不預時大雷雨徒筆戲

蔡子平

雷轟萬鼓勒潮回無復庭前雪作堆應為尚書慳且恐有

風怪雨一時來

次韻天官韓尚書七月十八日風雨中觀潮予內直

不赴

禁直惟聞漏鼓催潮聲遙聽訝蚊雷忽傳傑句天邊得如

對洪濤海上來大筆直能扶風雨小才何敢助涓埃古今

奇觀須秋半好句重銜伯雅杯

邦衡再送皇字韻詩來次韻

賓鴻列陣競隨陽却向丹山隱鳳皇銀管題詩紛滿帙金

叙度曲儼分行漢官蚤促三更席祭苑行稱萬壽觴上頌

朕大舉同游大祭又聞虞相顧我飄零無着處

非公湔被尚誰望

又次邦衡族姪長彥司戶韻

聖世恩榮盛孝章北窓自欲傲羲皇通家喜燕雞豚詩

郡愁親鴈鶩行陌上花開人鬪草甕頭酒熟客傳觴及詩

行樂君休厭。召驛相將項背望。

近會同年賞芍藥。嘗櫻桃。楊謹仲教授有詩次韻。

謝兼簡周孟覺知縣。

清晨自掃落花廳。小甕親籊竹葉春。盍同時過陋巷。臚傳相與記彤庭。階翻紅藥曾重見。續十年間每直西掖矣。勸使朱櫻亦屢經。老去飄零無此夢。詩來吟咏有餘馨。

同年楊謹仲示薌林諸帖。皆以老杜相期。惟童敏德謂不合學東坡。殆非知詩者。輒用此意成惡語一篇。為誕辰壽祝頌之意。見於末章。

過江人物向汪曾。一世龍門未易登。常恐斯文無砥柱。新推佳句有師承。波瀾正使來西蜀。廉陛何妨逼少陵。天章百年如衛武。會賡懿頌。中興。

過餘于吳師中秀才。以小詩惠歛硯。次韻謝之。舊與汪曾向明光。獨與羅文近緒黃。三載瓦池研籠墨。因君聊復夢羲皇。

送陸務觀赴七閩提舉常平茶事。

暮年桑苧毀茶經。應為征行不到閩。今有雲孫持使節。好因貢焙祀茶人。

鸞棲枳棘已多年。父老猶傳主簿賢。扶杖喜迎新使者。赤帷何惜與高褰。

疲鴛久倦直明光。風味嘗思十八娘。擬請一麾依故舊。得無公道學蘇章。

進讀三朝寶訓終篇賜宴錫賚謝恩詩。

藝祖提劍開八荒。太宗混一垂衣裳。真皇破神武揚。

夏億寧法度彰寶訓成書紀宏剛有典有則萬葉昌億昔
 壬午神龍翔季秋庚子辰集房肇開講席臨清廂藉袍玉
 笏光照廊台司夾侍書案黃翰林進讀天容莊微臣簪筆
 近御牀親聞玉音義甚長君子小人初何嘗非關時運弱
 與強祗繫人主所否臧當年紀注此特詳紹興壬午九月
 庚子初開經筵
亦召宰執聽講讀洪道初讀三朝寶訓第一卷至太宗問
 呂蒙正君子少而小人多蒙正曰此繫時運盛衰陛下宜
 論云不然顧人主好惡如何耳臣時
 為侍立官退以聖語載起居注中往來寒暑今一章牙
 篋謬執心徬徨終篇正直恩德洋洋道山肆筵酌天漿宮花
 壓帽羅絲簧硯來復古翰墨光臣所書端硯刻
 復古殿三字馬出帝閑
 真驕驪闔山正焙隨寶香君賜如天不可量歸美獨愧詞
 荒唐恭惟聖治超百王夙夜基命不敢康文德既修可
 攘俎豆永掃旄頭芒三聖勳烈同煒煌萬年億載娛慈皇

文忠烈公居洛有丙午同甲會詩今執政府凡三位

樞密使王季海參政錢師魏先在焉前歲夏某香

參預連墻而居適然齊年時號丙午坊次文公韻

簡二公

文公八十會伊川盛事于今有百年豈意蒼顏華髮叟亦

陪黃閣紫樞仙府居未至容連棟班路前瞻愧比肩丙

連于支合德君臣慶會豈虛傳

和龍舒兄春日出郊韻

庭束蒲鞭吏晝閑禽聲入語兩關關郊坰戎隊穿花裏阡

陌兒童戲雉間禪語屢題投子寺仁風常滿皖公山薦書

開道交宸八尺一封泥合錫還

陶淵明有已酉重九詩一首其以此年此日每次吉

水距永和才一程耳。輒用其韻先寄二兄十三弟。并呈提舉七兄。

王觀十五載歸來稀舊交。我髯昔已華。今茲固宜凋。去國甫重午。還家修登高。永和有弟。咫尺如煙霄。緬懷江東使。地遠心更勞。遙知上翠微。江山勝金蕉。豈無茱萸酒。望望思鬱陶。相從會有日。永矣非一朝。

南國築小堂。鄰里侯賜獻。上梁文戲成。小詩記實解。

嘲

半畝園林數尺堂。凡花疎竹小池塘。平泉綠野休相笑。事業功名合自量。

用邦衡韻贊其閒居之樂且致思歸之意。

一別龍門不計春。思公夢渡太華津。遙知綠野朱顏好。應笑紅塵白髮新。午茗親烹留上客。夜碁酣戰調佳人。道腴有味詩彌勝。何止冰凝與蜜醇。

敷文閣學士李仁甫挽詞

經學淵源史筆高。文章餘力薄風騷。紛紛小技誇流俗。磨滅身名笑爾曹。

鳴珮甘泉不乏人。誰能博古復通今。直如汲黯非游俠。忠似更生不鑄金。

千卷長編已刻闕。爭傳副墨價兼金。冠篇不得同廷叟。遺恨猶應記玉音。

是是非非口卽心。掃除人偽只天真。身全五福仍通貴。造物因公勸善人。

病後精神更湛然。挂冠剛欲及生前。去來自在渾無碍。撫

掌僧徒浪學禪

益公省齋集

益公平園續藁錄

五二

上巳訪楊廷秀賞牡丹於御書扁榜之齋其東園僅
一畝為街者九名曰三三徑意象絕新

楊監全勝賀監家賜湖豈比賜書華回環自斷三三徑頃
刻常開七七花門外有田聊伏臘望中無處不煙霞卽惹
下客非摩詰無畫無詩只謾誇

今年閏十月僕營小圃方兩月而張坦夫屢示使莊
圖有起予之意遂率老成鄙句

百年種德十年栽映帶雲巖與月臺無問四時留客醉何
曾一日不花開人人爭羨富登覽物物豈知工剪裁我共
樊須身更老只今學圃亦悠哉

楊廷秀送牛尾狸侑以長句次韻

益公平園續藁錄

一

江南十月方肅霜。小槽初滴鷺兒黃。頗思指動異味膏門。
正張羅誰未將。披綿強來推不去。粘鰕欲進止之戶。蓬頭
豕腥猶可厭。昉截脂疑在何處。草玄子雲黃門郎。遺我黑
面質白章。形之硬語努力強。寫以奇字伴史倉。愧無纖手
色傾國。壓糟磨刀走臧獲。喜于左手持蟹黃。美勝八珍熟
熊。自古來狸首歌侯門。名以牛後真屈君。從金玉汝洗俗
諺。好與純袖陪梁園。公詩如貂不頻削。我續狗尾句空着。

寄題高仲一夔殿撰識山堂長韻

買山老山間。乃識山之容。愛山無古今。此論誰非同。仇仙
來唐廬。一轉語獨工。不識山面目。只緣在山中。譬之塵漠
漠。又如水溶溶。人魚居其間。孰識碍與通。我昔少年日。自
攜七尺筇。盤旋山南北。憇息林西東。朝看山之橫。暮看山
之縱。貪多眼為乏。陟險足已慵。拱揖且不服。賞失良自蒙。
方悟白司馬。草堂對穹窿。彼旣若獻狀。此亦如發矇。秀甲
天下山。至言出心胸。今君欲繼之。築堂會奇峰。何嘗遠城
市。而能目迎逢。山形不動體。山色含真空。風雲有蓄洩。氣
象無終窮。雨餘四面翠。日麗千仞紅。氤氳香爐煙。挺拔雙
劍鋒。最愛五老人。峻嶒美所鐘。可望不可卽。有意容相從。
羅列皆兒孫。八席次第供。山雖誇兩邦。茲焉實長雄。不爲
空堂客。詎信山有宗。寄語遊山者。毋徒走憧憧。

送道士張惟深

曾從楊廷秀學詩

出世須拋世俗文。休論何遜與陰鏗。但求仙伯三年艾。會
向彌明頂上行。

彭孝求

惟孝

以綠野行送芍藥數種鄙句爲謝

占斷春光及夏初。琉璃剪葉采珊瑚。休論花品同而異。
初號木芍藥。蓋本同而未異。出王元之文集。且詠詩人樂且許。北第莫辭金鑿落。
韓魏公北第賞芍藥。詩滿引莫辭金鑿落。南禪爭看玉盤盂。彭宣微恙何妨醉。自有嬌痴婢子扶。

魚兒牡丹得之湘中。花紅而蓋白。狀類雙魚。鱗鱗相

比。枝不能勝。壓而下垂。若俛首然。鼻目良可辨。葉

與牡丹無異。亦以二月開。因是得名。其餘則芍藥

也。予名花而賦是詩。聞江東山谷間。此品甚多。

天教姚魏主芳菲。合有宮嬪次列妃。玉頸圓瑳宜粉面。霞

裙深染學顰衣。枝頭窈窕魚雙貫。風裏踟躕鳳對飛。又似

花莫把根苗方芍藥。留春不似送將歸。

太守趙山甫希仁示和篇次韻為謝

阿嬌金屋聚芳菲。當御連環聚妾妃。龍女墜天瀨。素顏
人出水。織纈衣袖垂。戶外瞻雙引。鸞語宮中第一飛。不用
蟲魚箋爾雅。使君行合左符歸。謂魚符也。聊答公歸之句。

李子權時中屢求所居江月亭。洛沂齋詩。老病未能

作坐上。示及和花妃詩甚工。即席次韻一首。所謂

一彩兩賽也。

姚皇借黃字去後幾菲菲。湘水依然從二妃。雙淚一時紅作
連枝千載綠。為衣檻前。斑竹應同伴。波面文鴛欲共飛。
吟徧世間閒草木。何如江月詠沂歸。

楊廷秀秘監萬花川谷中落花甚多。光榮俚語叙謝。
萬花川谷第芳菲。也許湘靈勝伏妃。翠葉迎風牽荇帶。紅
綃浴日濕宮衣。共船不妬龍陽釣。警乘猶疑洛渚飛。洛神賦云

騰文魚以警乘李善誰把荒園一魚目換將五十六珠歸

乙卯楊廷秀訪平園即事

乘興不回安道舟銷憂同倚仲宣樓莫嫌四面酸風射猶勝三塲瀋汗流

次韻楊廷秀并序

萬花川谷主人為海棠賦二首妙絕古今斷章有平生不帶看花福不是愁中即病中之歎代花次韻

江國羣芳自有餘詩才酒興不愁無却憐西蜀移根遠醉向東風落筆初傳粉施朱淡復濃不辭沐雨更梳風豈知命似佳人薄不在吾公樂事中

右三月二十八日春華樓前芍藥盛開特招歐葛二

兄再為齊年之集次舊韻

老去猶思飲吸川靜中還喜日為年艾耆天俾如三壽談辨人驚似八仙洞鑠嵩峯偏入眼丹成岫巒遠齊眉定知樂事年年共更看新詩句句傳

次楊子直使君韻

雪鬢冰絲結素華天孫初織費練車花開金谷空平種葢疊瑤英自一家下比山樊誰薄相上攀瓊木各雄夸集仙翰苑須公等歸繼唐賢植此花

次王伯奮

通判韻王乃文正公家吏部尚書震之

三槐交蔭盛京華八坐摛文富五車玉樹合教依故國霜蕤何事到山家幸經泥軼新題品全勝雲駟昔誕夸絕唱強酬書字大固應傳笑眼昏花

趙正則彥法司戶沿檄而歸玉蓋已過追賦車字韻

詩奉答

春深游客競繁華寶馬香輪帶麴車不為來看招隱樹
誰肯顧野人家飛飛粉蝶須相映皎皎銀蟾色共夸
今得審言詩勝畫傳神何必趙昌華唐詩人杜審言為吉州司戶正則嘗刻其詩于廨舍

丁巳二月甲子蜀錦堂海棠盛開適有惠以繡書錦

堂記者招伯威德源為齊年會次舊韻

曾因客夢到西川萬戶疏封抵隔年花重錦官息杜老
飛沙苑看徐仙衰顏尚許任諍齒淺量深慚賜及肩
照取蜀粧依繡枕共驚十載識先傳

曾無疑二異以長韻送金橘時已暮春次韻

茶蘼殿春枝滿霜盧橘熟夏今乃黃彈丸煌煌照坐光老

叟驚詫見未嘗客言采果孟冬月剖竹為符帶蒼雪包之
赫蹏滿貯中纏以絲泉外合節或藏綠豆飲醉翁或雜寸
稊仍緘封三說未識將誰從但覺色香新摘同分甘安能
與眾樂秘方何惜都傳却已誇指下石化金仙指併求君

及午春同甲小集舊次韻

會老三人似頰川生同絳縣免疑年各年七十三尊常有酒何
妨醉事每無心即是仙儉欲固應知足足忘形誰問是肩
肩香山已寫丹青像德源近繪壽圖洛誦仍憑副墨傳

紹興庚午某與安成劉逢辰秋闈同薦逢辰四子伯
德禮淳熙甲午解魁登第今宰臨川仲德仁拔癸
卯解叔德恭負雋聲季德性紹興乙卯復冠鄉舉

出示當時小錄手澤在焉為題二小詩於後

丁年韋布逐槐忙，結綬王畿四紀強。已把衣冠挂神虎，夢回猶未熟黃梁。

鹿鳴舊籍晚重看，翰墨場中興久闌。同榜諸郎皆舉首，老夫安得不衰殘。

新光州守趙師夷字國佐才高一世任京口以讒廢

宰太和以憂歸得羣待對沒於逆旅家會稽又遭

火焚之今既葬矣其子寄行狀求追挽嗟悼

不足情見乎辭

籍甚天支萬事通，傷哉人爵一生窮。飛英北闕讒何極，游刃西昌秩未終。千騎絕憐成畫餅，八人那忍助融風。只應快閣長流水，遺恨滔滔向浙東。

劉仙才仲子俊示其父醉庵詩集索鄙句

蹇步樊榭到竹溪，病眸眩瞶刮金篦。清風滿座無塵事，遺墨盈編有舊題。久羨山人居水北，今知詩社續江西。醉吟跌宕誰能寫，髣髴琳瑯識介珪。

慶元戊午重九天氣晴和待王七兄提舉監丞早集

清都臺午飯讀詩書臺晚集神岡西臺皆古迹也

戲成小詩

年豐和氣借春來，雨足黃花趁節開。要識重陽真富貴，弟

兄一日歷三臺。陸士龍與兄書云一日上三臺曹公藏石

史遷尚書三日之間同歷三臺

已未立春留楊伯子長孺知縣小酌夜聞窻竹有聲

伯子以為雪或曰風也已而果雪詰旦敲門送詩

走筆戲和

莫訝衰翁笑口開。故人風度繼歐梅。墮筵雪陳魚麗遠。踏
跡詩仙鳳沼來。酒似茅柴居鬲上。句如桂子落天台。新年
春自相追逐。誰謂天公厭兩回。謂坐中舉東坡詩句

已未二月十七日會同甲次舊韻

里人初不問山川。身健徒教換歲年。紅紫丁寧容老圃。丹
青黠化屬詩仙。情均鴈序兼鷺友。壽貫犀顛映雀肩。東坡
人賀海口山
顧犀顛鶴肩莫算酒行徵罰令。一株花下一杯傳。

賀升卿年垂八十以書寄平園新詠二十二篇又錄
十年前簡子四詩尚有訪戴之興謹次最後一章
韻為謝

文與年高豈樂天。字隨心正亦公權。吟詩作賦晴窗裏。問

柳尋花野水邊。升卿居永新縣東別墅去縣百二十里喜我新集三徑就勞

君舊句一時編。雪舟有興休回棹。共載期追李郭仙。

仲嘉致政敷學尚書注。兄寵和鄙句且寄適軒記詩
銘等皆纂白樂天語也。敬以來意盡用樂天事次
韻。

鄞川人物擬山川。公似香山更永年。楊柳櫻桃俱是幻。蓮
萊兜率孰非仙。平生名脫虞卿曆。歲晚書齊蕙得肩。近岸
連檣多賈客。定攜新句海中傳。

徐商老 夢莘 參議直閣進書登瀛劍孺愛堂亦察部

句許示奏藁寄題

三孔三劉歲月。後來儒術數君家。五枝舊社燕。山陰入
月新乘海上槎。方履圓冠無愧怍。西崑東觀有光華。牙籤

縱許窺青簡銀海何堪眩黑花

三月三日適值清明會客江樓共觀並詩魏紫偶成

二小詩約坐客同賦

上巳清明其一時魏花開處亦連枝前身應是唐宮女猶

記昭容雙袖垂

莫思樂事年年減且喜春花日日開兄弟相看俱八十

朱贏得祝嬰孩趙通判每云朱書八十字子秘秘見

正月三日胡季亨及伯信仲威叔賢昆仲歐陽宅之

李達可同自永和來雨中小集疊岫閣用金鼎玉

舟勸酒下視林梅戲華舉說命五說戲祝六君蒙

次前韻賦佳篇各徵舊事各以一篇為謝

未復中原近有淮前朝該輔只時來濟川用礪我無是作

醴和羨何有哉正喜春晴知歲暮初一初二皆晴願招兩遠生

開和詩更作齊兒語老手屠龍合拊孩

右答李季亨

舟浮江海達於淮不盡詞源滾滾來人自浴沂三益者

成泛剡兩佳哉千鍾但使尊中滿札帙從教案上開知

兒童聚嬉戲爭騎竹馬弄泥孩

右答胡伯信

元和頌聖雅平淮韓柳文章付後來聯璧照人今燦者斯

金定契古誰哉白醪勸我頻需醉青眼逢君宜懶開會散

東風吹面纈凍梨欣喜色如孩

右答胡仲成

朱顏青綬憶秦淮白鷺洲疑鰲駕來側畔交遊欣怍者中

間賡和負康哉。新春漸覺風光好。陳迹時將日記開。惟有
詩情不如昔。傍觀撫掌倒綳孩。李白金陵詩云二水中分
寅分敘時每登覽忘歸自此日有記事已四十六年今應
陵江中亦有白鷺洲嘗創小樓會客其上懷舊及之

右答胡賢叔

安流咫尺異踰淮。有興何妨疊權來。茗椀茆柴殊易耳。萍
蘩豆粥豈難哉。談鋒不怕通宵直。燕席寧辭逐日開。况是
上元佳節近。華燈萬點看蓮孩。謂孫孩蓮

右答歐陽宅之

濁涇不必羨清淮。社燕賓鴻任去來。老子何曾憑日者。後
生正合競時哉。圓規枉把方心鑿。塵世常令笑口開。八十
老翁行未得。不如能說小兒孩。

右答李達可

周愚卿江西美劉棠仲同賦江珧詩牽強奉答周一
字圓

東海沙田種蛤蜊。南烹苦酒濯瓊瑤。饌因暫棄常珍變。指
為將嘗異味搖。珠剖蚌胎那畏鷁。桂呈馬甲更名玳。累人
口腹吾何敢。慚愧三陰喜且謠。四月江珧自小種而為大
方稍即用酒漬乃能寄遠韓文公詩章舉馬甲桂鬪以怪
自呈柱卽玳也廣韻亦注蜃屬甲可飾物至玉玳似蚌殼
中柱美

元宵煮浮圓子前輩似未曾賦此坐間成四韻

今夕知何夕。團圓事事同。湯官尋舊味。竈婢詫新功。星燦
烏雲裏。珠浮濁水中。歲時編雜詠。附此說家風。

再賦

時節三吳重。京師貴浙燈東坡上
元詩云三吳重時節勻圓萬里同。漫浮雖有

法烹煑豈無功。杜喜雲杪白。徐妨酒復中。策勛俱是秋。適口不全風。

七月十四日江西美約周愚卿兄弟及許景陽相過。共觀鶴雛羽毛。褐色。因飲食雙醵新酒。擘開中新。荔於白蓮池上。遂成盛賞。明日西美有詩。走筆奉

和。

起來汗浹似翻漿。客帶清風變早涼。鶴子曳衣猶淺褐。鵝兒對酒已深黃。白蓮近揖三千女。丹荔遐招十八娘。但把槐忙付年少。不妨老伴燕林塘。杜審言晏公山池詩云。鹿麕銜妓席。鶴子曳童衣。某紹興甲子赴試此地。小居今年。三歷秋舉。每遇中秋必與親舊歌舞之。今歲大病。使令輩散遣蕭然。偶伯信仲威攜子姪相過。喜成四韻。

上元甲子此攻堅。卜築安居正十年。登堞遙觀燈奪盡。歸家却賞月流天。丹臺旋葺新爐竈。絳帳都拋舊管絃。賴有故人將驥子。功名不斷復青氈。

江西美復送四景詩再次韻

酉歲應知富酒漿。頻年暫輒奏伊涼。沼蓮不使紅侵碧。池鵝聊容白護黃。照坐雖無驕火寶。祭尊幸有絡絲娘。西風早晚驅殘暑。何日尋盟到野塘。

三次韻答江西美

菲飲簞壺食與漿。淡交非復世炎涼。佳名誰合戎州綠。妙語端由太史黃。無怨不須移孔議。有情未可老徐娘。荷香襲坐忘歸興。不覺昏鴉影度塘。

四次韻

同前

只因瑞露酌天漿解后移尊赴晚涼眼看碧煙整衣綠心
慚白鴿立槐黃飲隨人量陳三雅興入詩情談四娘雪
月離今驗矣共欣甘雨溢陂塘東坡催考後詩門外白
如立鴿莊子吻不日然
白並音雀僕書注黃鴿可汰液池似誤矣黃在樓卽垂
鴿雀聲相近其色亦然

五次韻

客嘉五饋合先漿竹好仍生一味涼天與冰肌勝傅粉三
馳火齊捷飛黃將雛華表丁令喚度京江憶杜娘屢社
新篇誰可擬一川煙草賀橫塘

四景詩似欠一篇五更枕上足成之錄呈西美司書

勿勞屬和僕亦偃旗閉壘矣同前

甘寒何必柘為漿也解遼巡造醴涼更喜雀鳴漆子和休
因荔進引焦黃花如宋玉窺鄰女詩似劉郎問秦娘只欠

西湖雙畫舫便疑風景類錢塘

劉訥畫廬陵三壽圖求詩

同辭宦路返鄉閩兩驢驢中間以鷺前後顧瞻羞倚玉支
干引從偶連珠三人不用邀明月九老何妨續畫圖從漢
二疏唐尹後相親相近此應無

次韻楊廷秀待制瑞香花

灞橋忍凍兩相攢漢殿含香別一般粉面固宜垂紫袖錦
裳何必著中禪禁庭侍史今同宿宮帽花枝故自樂咀嚼
新詩懷舊直刺貪寧不媿河檀

楊子直以一詩送小兒歸省又一絕及平園花本校

文苑英華併次韻一笑

老去何心悅盛華觀書無奈眼昏花但思載酒楊雲宅細

問三州二部家

作象隨卦云爾

栽花種竹滿平園，人道安閒似樂天。自笑鉛黃消永日，何如蠻素樂華年。

嘉興癸亥元日占寄呈永和乘成二兄

歸田初不隔江淮，底事心元未往來。賭酒彈棋真夢爾，與見以此守歲不覺天明膠牙藍尾亦悠哉。

修襖歸來却踏青，臨流謀野兩關情。不如省事遊春女，挑菜渚邊看水生。

王藉文學求讀書堂詩

倚相端能記典墳，子羔未可治人民。十年莫作攸之恨，萬卷方知甫也神。堂下從渠糟粕議，城南容我簡編親。鐵更三擿韋三絕，將聖猶然况後人。

次韻楊廷秀待制二首

某息規層宇欲屈故人落之，乃未許枉駕先貽二詩，曲盡登臨之勝，遂成絕唱，謹次原韻，其前自叙其後敬簡，因致一來一往之意。

十年不侍殿東頭，臨水登山隱者流。一服瞳方無異相，三層句曲有巍樓。幸殊王粲非吾土，何事龐公不入州。至後臘前天欲雪，扁舟乘興肯來不。

官府新辭上界仙，碧瑤洞口晉桃源。默存常在清都境，歸去休無靖節園。爲問龍樓并鳳閣，何如佚老及平原。明年大作南溪社，會訪拾遺花柳村。

文公集鈔

五三

朱子文公諱熹字元晦一字仲晦徽州婺源人中紹興
 進士第歷事高孝光寧四朝仕至轉運副使崇政殿說
 書煥章閣待制致仕年七十一卒理宗贈太師封信國
 公改徽國屢經薦召為小人所沮抑旋仕旋已道終不
 行知南康時建復白鹿洞書院遊武夷愛其山水奇宕
 築精舍論道其中所至生徒雲聚教學不倦天下攻偽
 學日急不顧也孝宗時侍郎胡銓以詩人薦同王庭珪
 內召故朱子自註詩云僕不能詩平生僥倖多類此然
 雖不役志於詩而中和條貫渾涵萬有無事模鑄自然
 聲振非淺學之所能窺此和順之英華天縱之餘事也

邵武道中

文公集鈔

一

十平不肖數人匪謂公之山園故此一取雖古無異所三
 四是一來一卦之意
 青竹園之賦以賦即語大取語其前自珍其外幾前
 矣也且其意亦欲為人語之也未得其意夫以二篇曲

風色戒寒候歲事已透遲勞生尚行役遊子能不悲林壑
無餘秀野草不復滋禾黍經秋成收斂已空畦田翁喜歲
豐婦子亦嘻嘻而我獨何成悠悠長路岐凌霧卽曉裝落
日命晚炊不惜容髻凋鎮日長空飢征鴻在雲天浮萍在
青池微蹤政如此三歎復何爲

客舍聽雨

壬申

沈沈蒼山郭暮景含餘清春靄起林際滿空寒雨生投裝
卽虛館簷響通夕鳴遙想山齋夜蕭蕭木葉聲

對雨

虛堂一遊矚驟雨滿空至的皪散芳塘冥濛結雲氣勢逐
風威亂望窮山景翳煙靄集林端蒼茫欲無際涼氣襲輕
裾炎氛起秋思對此景淒淒還增沖淡意

讀道書作

四山起秋雲白日照長道西風何蕭蕭極目但煙草不學
飛仙術日日成醜老空瞻王子喬吹笙碧天杪

月夜述懷

皓月出林表照此秋林單幽人起晤歎桂香發窻間高梧
滴露鳴散髮天風寒抗志絕塵氛何不棲空山

冬雨不止

怱怱時序改白日藏光輝重陰潤九野小雨紛微微蒼山
寒氣深高林霜葉稀田家秋成意落落垂所期曠望獨興
懷戚戚愁寒飢事至當復遣且掩荒園扉

贈仰上人

澗谷秋雲曉飄飄無定姿氛氲升遠樹凌亂起寒颼雨罷

成孤鶴。天高逐散絲。上人歸別嶺。心跡但如斯。

卽事偶賦

白煙竟日起。雨晦蒼山深。老菊不復妍。丹楓滿高林。抱病寢齋房。窗戶結愁陰。起望一舒情。遐眺豁煩襟。人生亦已勞。世路方崎嶇。且詠招隱作。無爲名跡侵。

寄題咸清精舍清暉堂

山川佳麗地。結宇娛朝昏。朝昏有奇變。超忽難具論。千嵐蔽夕陰。百嶂明晨暎。穹林擢遙景。回澗盪秋氛。覽極慚未周。窮深遂忘喧。欲將身世遺。况託玄虛門。境空乘化往。理妙觸目存。珍重忘言子。高唱絕塵紛。

寄山中舊知

客子歸來晚。江湖欲授衣。路岐終寂寞。老大足傷悲。忼慨

平生志。冥茫造物機。清秋鵬鷲上。萬里看橫飛。

故園今夜半。林影澹逾清。曳杖南溪路。君應獨自行。潺湲流水思。蕭索早秋聲。盡向琴中寫。焉知離恨情。

述懷

夙尚本林壑。灌園無寸資。始懷經濟策。復愧軒裳姿。效官刀筆間。朱墨手所持。謂言殫蹇劣。詎敢論居卑。任小才亦短。抱念一無施。幸蒙大夫賢。加惠寬筮笞。撫已實已優。於道豈所期。終當反初服。高揖與世辭。

喜晴

衝飈動高柳。淥水澹微波。日照秋空淨。雨餘寒草多。放懷遺簿領。發興託烟蘿。忽念故園日。東阡時一過。

曉步

初日麗高閣。廣步愛脩廊。重門掩秋氣。高柳蔭方塘。閩海冬尚溫。晏陰天未霜。坐悲景物殊。亦念歲時荒。故園屬佳辰。登覽遍陵岡。賓遊盡才彥。蕭散屏壺觴。別來時已失。懷息寧甞忘。宦遊何所娛。要使心懷傷。

憶齋中

高齋一遠眺。西南見秋山。景翳夕陰起。竹密幽禽還。賞愜慮方融。理會心自閑。誰料今爲客。寥落一窻間。

夢山中故人

風雨蕭蕭已送愁。不堪懷抱更離憂。故人只在千巖裏。桂樹無端一夜秋。把袖追歡勞夢寐。舉杯相屬暫綢繆。覺來却是天涯客。簷響潺潺瀉未休。

南安道中

曉澗淙流急。秋山寒氣深。高蟬多遠韻。茂樹有餘音。煙火居民少。荒蹊草露侵。悠悠秋稼晚。寥落歲寒心。

九日

故國音書阻一方。天涯此日息茫茫。風煙歲晚添離恨。湖海尊前卽大荒。薄宦驅人向愁悴。舊游唯我最顛狂。細思萬石亭前事。辜負黃花滿帽香。

晚望

禾黍彌平野。淒涼故國秋。清霜凝碧樹。落日翳層丘。覽物知時變。爲農覺歲遒。不堪從吏役。憔悴欲歸休。

夜雨二首

擁衾獨宿聽寒雨。聲在荒庭竹樹間。萬里故園今夜永。遙知風雪滿前山。

故山風雪深寒夜。只有梅花獨自香。此日無人問消息。不
應憔悴損年芳。

留安溪三日按事未竟

縣郭四依山。清流下如駛。居民煙火少。市列無行次。嵐陰
常至午。陽景猶氛翳。向夕悲風多。遊子不遑寐。我來亦何
事。吏桀古所記。奉檄正淹留。何當語歸計。

安溪書事

清溪流不極。夕霧起嵐陰。虛邑帶寒水。悲風號遠林。涵山
日欲晦。窺閣景方沉。極目無遺眺。空令愁寸心。

六月十五日詣水公庵雨作

雲起欲爲雨。中川分晦明。纔驚橫嶺斷。已覺疎林鳴。空際
早塵滅。虛堂涼息生。顏澹滴瀝餘。忽作流泉傾。况此高人
居。地偏園景清。芳馨雜悄禱。俯仰同鮮榮。我來偶茲適。中
懷澹無營。歸路綠泱泱。因之想巖耕。

同僚小集梵天寺坐間雨作已復開霽步至東橋玩

月賦詩二首

傑閣翔林杪。披襟此日閒。層雲生薄晚。涼雨遍空山。地迥
衣裳冷。天高澄霽還。出門迷所適。月色滿林關。

空山看雨罷。微步喜新涼。月出澄餘景。川明發素光。星河
方耿耿。雲樹轉蒼蒼。晤語逢清夜。茲懷殊未央。

梵天觀雨

持身乏古節。寸祿久棲遲。暫寄靈山寺。空吟招隱詩。讀書
清磬外。看雨暮鐘時。漸喜涼秋遠。滄洲去有期。

兼山閣雨中

兩山相接雨冥冥。四牖東西萬木清。面似凍梨頭似雪。後生誰與屬遺經。

登閣

橫空敞新閣。高處絕炎氛。野迥長風入。天秋涼氣分。憑欄生逸想。投迹遠人羣。終憶茆簷外。空山多白雲。

和劉抱一

幾年牢落舊村墟。此日翛然水竹居。病起試尋春逕草。客來聊煮雪畦蔬。開樽細說平生事。信手同繙集古書。適意何勞一千卷。新詩閒出笑談餘。

梅花開盡不及吟賞感歎成詩聊貽同好

憶昔身無事。尋梅只怕遲。沉吟窺老樹。取次折橫枝。絕艷驚衰鬢。餘芳入小詩。今年何草草。政爾負幽期。

觀書有感二首

半畝方塘一鑑開。天光雲影共徘徊。問渠那得清如許。爲有源頭活水來。

昨夜江邊春水生。蒙衝巨艦一毛輕。向來枉費推移力。此日中流自在行。

示西林可師二首

身世年來欲兩忘。一春隨意住僧房。行逢舊隱低回久。綠樹鶯啼清晝長。

幽居四畔只空林。啼鳥落花春意深。獨宿塵龕無夢寐。五更山月照寒衾。

次韻劉彥采觀雪之句

朔風吹空林。眇眇無因依。但有西北雲。冉冉東南飛。須臾

層陰合際澹周八維凍雨不流淵飛花舞妍姿翳空乍滅
沒散影還參差萬點隨飄零百嘉潛潤滋徘徊瞻詠久然
識造化機上寒下必溫欲積無根基漸看谷樹變稍覺叢
篁低浩然遂同色宇宙乃爾奇繁華改新觀凜冽忘前悲
摘章愧佳友佇立迎寒吹感此節物好嘆息今何時當念
長江北鐵馬紛交馳

次韻彥采病中口占

一榻流年度篝燈遙夜闌短衾閒自擁清鏡莫頻看竹密
初驚雪梅疎却耐寒從今花木夢無復在雕欄

奉陪判院丈充父平父兄宿回向用知郡丈壁間舊
題之韻

暮雨停驂處僧廬古道邊千峰環傑閣一水下平田行役
無期度經過幾歲年明朝須飽飯躡足上寒煙

數日前與判院丈有宋村之約雪中有懷奉呈判院

通判二丈

雲垂天濶歲將闌一室翛然獨掩關擁褐不知風折木開
軒惟見雪漫山玄空杳靄低迷外碧樹瓏璵掩映間吟罷
左息招隱句扁舟無路過長灣

奉陪彥集充父同遊瑞巖謹次莆田使君留題之韻
踏破千林黃葉堆林間臺殿鬱崔嵬谷泉噴薄秋逾響山
翠空濛晝不開一壑祗今藏勝槩三生疇昔記曾來解衣
正作留連計未許山靈便却回

伏讀二劉公瑞巖留題感事興懷至於隕涕追次元

韻偶成二篇

誰將健筆寫崖陰。想見當年抱膝吟。緩帶輕裘成昨夢。遺風餘烈到如今。西山爽氣看猶在。北闕精誠直自深。故壘近聞新破竹。起公無路祇傷心。右懷寶學公作近聞西兵進取關陝其帥卽公舊部曲也。

投紱歸來卧赤城。家山無處不經行。寒巖解榻夢應好。絕壁題詩語太清。陳迹一朝成寂寞。靈臺千古自虛明。傳來舊業荒蕪盡。慚愧秋原宿草生。右懷病翁先生作翁領崇道祠官故有赤城之句。

入瑞巖道間得四絕句呈彥集充父二兄
憶昔南遊桂樹陰。歸來遺恨滿塵襟。籃輿此日無窮息。萬壑千巖秋氣深。

翩翩一馬兩肩輿。路轉秋原十里餘。共說前山深更好。不辭迢遞款禪居。

清溪流過碧山頭。空水澄鮮一色秋。隔斷紅塵三十里。白雲黃葉共悠悠。

風高木落晚秋時。日暮千林黃葉稀。祇有蒼蒼谷中樹。歲寒心事不相違。

壽母生朝

秋風蕭爽天氣涼。此日何日升斯堂。堂中老人壽而康。紅顏綠鬢雙瞳方。家貧兒癡但深藏。五年不出門庭荒。竈陘十日九不煬。豈辦甘脆陳壺觴。低頭包羞汗如漿。老人此心久已忘。一笑謂汝庸何傷。人間榮耀豈可常。惟有道義思無疆。勉勵汝節彌堅剛。熹前再拜謝阿娘。自古作善天降祥。但願年年似今日。老萊母子俱徜徉。

社後一日作

聖作重品節。等殺古所詳。里有秦社稷。僭差遂無章。王綱
諒已頽。精意尚不忘。尚論千載前。簡編有遺芳。侃侃陳孺
子。恂恂萬春鄉。敬恭事耆老。禱賽謹田桑。悠悠我里居。歲
事有故常。向來諸老翁。惇龐亦端莊。交神庶或享。與物同
樂康。今我胡不樂。悵然下頽岡。古人不可見。今人自猖狂。

偶題三首

門外青山翠紫堆。幅巾終日面崔嵬。只看雲斷成飛雨。不
道雲從底處來。
擘開蒼峽吼奔雷。萬斛飛泉湧出來。斷梗枯槎無泊處。一
川寒碧自縈回。
步隨流水覓溪源。行到源頭却惘然。始悟真源行不到。倚
筇隨處弄潺湲。

借韻呈府判張丈既以奉箴且求教藥

一生江海迥無疇。材大應容小未周。景好身閑真復樂。酒
酣耳熱却堪憂。飛騰莫羨摩天鶴。純熟須參露地牛。我亦
醒狂多忤物。頗能還贈一言不。

卽事有懷寄彥輔仲宗二兄二首

一水方涵碧。千林已變紅。農收爭暖日。老病怯高風。徙倚
非無計。心期莫與同。向來歡會處。離合太匆匆。
聞說雙飛漿。翩然下廣津。江湖知子樂。魚鳥諒情親。淹速
須關命。行藏不繫人。三山雖好在。惜取自由身。

次知府府判二丈韻

憶昨中秋夕。寒盟約重尋。幔亭權舉酒。江閣快論心。月墮
俱忘起。壘空始罷斟。祇今千嶺隔。悵望一何深。

武夷之遊
張王二丈

元履子厚及嘉與焉江閣之集子衡移具知府丈亦賜臨

屈此詩併簡同會諸公云志士懷韜略奇兵吼鎮干關河那得往肝膽不勝寒壯節

悲如許雄圖渺未闕皇輿方仄席陋巷敢求安得浙中知

上留意武備諸郡練卒皆點名閱武賜賚有加戎士感奮

題祝生畫

裴侯愛畫老成癖歲晚倦遊家四壁隨身只有萬疊山祕

不示人私自惜俗人教看亦不識我獨摩挲三太息問君

何處得此奇和璧隋珠未為敵答云衢州老祝翁曾次自

有陰陽工峙山融川取世界咳雲唾雨呼雷風昨來邂逅

衢城東定交斗酒歡無窮自然妙處容我識為我掃此須

臆中爾時聞名今識面回首十年齊掣電裴侯已死我亦

衰祗君雖老身猶健眼明骨輕鬚不變筆下江山轉葱蘢

為君多織機中練更約無事重相見

秀野以喜無多屋宇幸不礙雲山為韻賦詩喜伏讀

佳作率爾攀和韻劇息慳無復律呂笑覽之餘賜

以斤斧幸甚

高人山水心結習自無始五畝江上園清陰遍桃李一堂

聊自娛三徑亦可喜試問避俗翁何如尊賢里溫公獨樂園在尊賢

門前車馬客無非朝大夫問公獨何事中歲遽此圖長安

二三公髮白形枯臞隱憂念名節亦有此樂無隱憂念名節張大參

疏中語

君侯嗜圖史插架何其多徙居三十乘流汗幾索馳千載

誰晤語端居自絃歌至哉天下樂歲月如予何

西山一何高。雲氣出寒麓。中有無事人。鳴泉遶茅屋。宴坐
今幾何。無以媚幽獨。興至偶成篇。呼兒爲余讀。
我居淡山中。茅舍破不補。上見風攪林。下有雲承宇。聞公
落新宮。戶牖不可數。懶惰心力衰。念公亦良苦。
夜吟招隱詩。月落寒泉井。自非千載人。誰與共清景。散髮
心朗寥。凝神味淵永。功名恐相期。富貴非所幸。
仙人空山居。道意妙羣物。度世君則然。脩身吾豈不。飛行
仰雲路。趺坐探理窟。獨夜扣星壇。清齋且簪笏。
青山背夕陽。茲景公所愛。虛堂日落時。遷坐一解帶。嵐分
疑有處。鳥度知無礙。須臾暮色來。默默無與會。
端居屏塵慮。萬事付一尊。客來語世故。舉白當浮君。超搖
謝眾甫。樽杳從諸孫。何以自怡悅。窓中見秋雲。

清溪何迢迢。上有千仞山。山中學仙侶。白石爲門關。丹經
苦吟哦。至道窮躋攀。豈知人間世。風塵縈九寰。

伏讀秀野劉丈間居詠。謹次高韻。率易拜呈。伏乞痛

加繩削。是所願望。

積芳圃

樂事從茲不易涯。朱門還似野人家。行看靚艷須攜酒。對
坐清陰只煮茶。曉起蒼涼承露晚。來光景亂蒸霞。平生
結習今餘幾。試數毗那禩上花。

春谷

武夷高處是蓬萊。采得靈根手自栽。地僻芳菲鎮長在。谷
寒蜂蝶未全來。紅裳似欲畱人醉。錦障何妨爲客開。飲罷
醒心何處所。遠山重疊翠成堆。

山人方丈

方丈翛然屋數椽。檻前流水自清漣。蒲團竹几通宵坐。掃地焚香白晝眠。地窄不容揮麈客。室空那有散花天。箇中。有句無人薦。不是諸方五味禪。

挽蔬圃

未覺閒來歲月頻。荷鋤方喜土音勻。連畦已放瑤簪露。覆地行看玉本新。小摘登盤先餉客。晚炊當肉更宜人。却憐寂寞公儀子。拔盡園蔬不嘆貧。

秋香徑

門外黃塵沒九達。坊中叢桂長繆枝。三秋冷蕊從開落。終歲清陰不改移。幽徑祇愁空翠滴。濃香一任晚風吹。攀援却恨王孫遠。惆悵千林一時。

曲池軒

去年種竹長新篁。今歲穿渠過野塘。自喜軒窓無俗韻。亦知草木有真香。林間急雨生秋思。水面微風度晚涼。却厭端居苦無事。凭欄閒理釣絲長。

秀野劉丈寄示南昌諸詩。和此兩篇。

滕王閣下水初生。聞道登臨復快晴。帝子詎知陳迹在。長江肯趁曲池平。山楹雨罷珠簾卷。簷鐸風驚玉佩鳴。滿眼悲涼今古恨。人生辛苦竟何成。知向潮邊弄碧漪。闌干三撫漾晴暉。流傳妙語驚離潤。想像清游欲奮飛。公去不應停驛騎。我來直欲挂朝衣。南州高士何由見。且看新荷出水稀。

次秀野韻五首

史君簾閣對脩筠。起看名園雨後春。便賦新詩畱野客。更傾芳酒醉花神。未酬官樂平生志。且作羲黃向上人。祇恐功名相迫逐。不容老子卧漳濱。

滿園紅紫已爭新。百轉幽禽亦喚人。蠟屐未妨泥步穩。珍叢終恨雨來頻。卧看曉色忻初霽。起約良游醉好春。却笑當年金谷燕。相隨僕僕望車塵。

惆悵春餘幾日光。從今風雨莫顛狂。急呼我輩穿花去。未覺詩情與道妨。羅帶不須吟杜若。角弓聊復賦甘棠。淋浪坐客休辭醉。飲罷睇身向九陽。

知公久矣厭喧卑。造物尊前喚小兒。一醕未應我側弁。十分聊爾快翻卮。治中寂寞凝塵日。令尹憂勞退食時。正好相尋發孤笑。莫教牢落負心期。

當年共剪北山萊。脩竹成陰手自栽。書卷莫教春色老。柴荆宜爲俗人開。公能顧我傳新句。我欲畱公發舊醅。悵望南園芳樹底。明年應放小車來。

留秀野劉丈二首

好雨當春過一犁。我公遠憶故園西。孤篷穩轉清灘急。十里行穿綠樹齊。路熟已欣經霧市。身輕未怕躡雲梯。諸孫剩欲畱公住。細和新詩可指迷。

一去屏山今幾春。歸來三逕但荒榛。剪除却便風煙好。徙倚還驚物色新。樓外千林遮去路。堦前一水戀行塵。勸君更作留連計。同社追遊苦未頻。

次秀野滄波館刈麥二詩

傳聞泛宅賀新成。破月衝煙取次撐。鷁首斜飛寒浪急。篷

窓側轉好山橫。知公興有江湖迴。顧我詩無玉雪清。欲跨
船舷還未敢。幾時得伴鏡中行。

貽謀夙昔但聲歌。今見郊園樂事多。且喜旣婁符善禱。未
須蘆菴聾去聲妖娥。霞觴政自誇真一。香鉢何煩問畢羅。我
欲賣刀來學稼。不知還許受塵磨。小說有人中夢毒夢紅
裳娘子悲歌有一丸蘆

蕪火五宮之句

次秀野躬耕桑陌舊園之韻二首

郊園旱久只多蹊。昨夜欣沾雨一犁。已辦青鞋隨老圃。便
驅黃犢過深溪。農談剩喜鄉鄰近。饅具仍教婦子攜。指點
竹寒沙碧處。不知何似錦城西。

丈人高致邈難干。雲夢何如胃次寬。老去未妨詩律在人
來。只怕酒杯乾。故開麥隴供家釀。更有蘭皋付客看。下走
才慳慙屬和。願公物色稍留殘。

又和秀野一首

江臯晴日麗芳華。翠竹踈踈映白沙。路轉忽逢沽酒客。眼
明惟見滿園花。望中景助詩人趣。物外春歸釋子家。向晚
却尋芳草徑。夕陽流水遶村斜。

次秀野詠雪韻三首

閉門高卧客來稀。起看天花滿院飛。地迥杉篁增勝槩。庭
虛鳥雀噪空飢。酒腸凍澁成新恨。病骨侵凌減舊肥。賴有
袁生清興在。忍寒應未泣牛衣。

一夜同雲匝四山。曉來千里共漫漫。不應琪樹猶含凍。翻
笑楊花許耐寒。乘興正須披鶴氅。淪甘猶喜破龍團。無端
酒息催吟筆。却恐長鯨吸海乾。

開門驚怪雪交加。亂落橫飛詎有涯。密竹不妨呈勁節。早梅何處覓殘花。山陰客子須乘興。洛下先生想臥家。病廢杯觴寒至骨。哦詩無復更豪誇。

次秀野極目亭韻

偶向新亭一破顏。高情直寄有無間。地偏已隔東西路。天濶長圍遠近山。浩蕩祇愁雲霧合。輪囷却喜暮雲還。不堪景物撩人甚。倒盡詩囊未許慳。

又

坐看山花落慢顏。不知身在翠雲間。食寒到處雨復雨。客裏歸來山又山。孤燈開。無心棲鳥暮忘還。世情分逐流年去。只存詩書去具也。


次秀野春晴山行紀物之句

祇憑詩律作生涯。到處山林總是家。便與清尊卧芳草。不妨阜蓋拂殘花。側聞溫詔詢耆艾。好趁春風入殿衙。回首能忘舊猿鶴。一篇聊爾記年華。

再用韻題翠壁

孤亭一目盡天涯。俯瞰煙村八九家。翠壁長年懸布水。綠陰經雨墮危花。杖藜徙倚疑春望。覓句淹留到晚衙。珍重詩翁莫相惱。枯腸攪斷鬢絲華。

次山行佳句呈秀野丈

曠曠朝日出高巖。簌簌征衣曳曉嵐。向來孤舊意。林泉老去覺真貪。淒涼煙火一百五。零落交遊十二三。歎息世事卧吹橫笛過溪南。

次秀野雜詩韻

葺居

丈人高卧碧江頭，門掩西風萬木秋。重喜青山還遶屋，却嫌黃葉漸平溝。開軒且放浮嵐入，決水徐通廢圃流。便覺園林頓蕭爽，不妨隨境味玄幽。

假山焚香作煙雲掬水為瀑布二首

平地俄驚紫翠堆，便應題作小飛來。爐熏細姿出綫，澗遙分壁色開。獨往但憑南郭几，遠遊休剪北山萊。人言造化無私力，珍重仙翁挽得回。

一簣功夫莫坐談，便教庭際湧千巖。眼中水石今成趣，物外煙霞舊所耽。泉細寒聲生夜壑，香銷暝靄變晴嵐。兒童也識幽棲地，共指南山更近南。

嶺榔五絕卒章戲簡及之主簿

莫年藥裹關身切，此外翛然百不貪。薏苡載來緣下氣，檳榔收得為祛痰。

錦文縷切勸加餐，蜃炭扶留共一椽。食罷有時求不得，英雄邂逅亦飢寒。

向來試吏著南冠，馬甲嶮山得飫餐。却藉芳辛來解穢，雞心磊落看堆枰。

箇中有味要君參，齧吻春喉久不甘。珍重人心亦如此，莫將寒苦換春酣。

高士沈迷簿領書，有時紅糝綴玄須。定知不著金枰貯，兒女心情本自無。劉穆之初仕為主簿

答王無功在京息故園見鄉人問

王詩云旅泊多年，歲志去不知迴。忽逢門外客，道發故鄉來。斂眉俱握手，破涕共銜杯。慙慙訪朋舊，屈曲問童孩。衰宗多弟姪，若箇賞池。

臺舊園今在否新樹也應栽柳行疎密布茄齋寬窄裁經移何處竹別種幾株梅渠當無絕水石計總生若院果誰先熟林花那更開羈心祇欲問爲報不須猜行當驛下澤去剪故田萊

我從銅川來見子上京客問我故鄉事慰子羈旅色子問我所知我對子應識朋遊總彊健童稚各長成華宗盛文史連墻富池亭獨子園最古舊林間新垆柳行隨堤勢茅齋看地形竹從去年移梅是今年榮渠水經夏響石苔終歲青院果早晚熟林花先後明語罷相歎息浩然起澁情歸哉且五斗餉子東臯耕

題鄭德輝悠然堂

高人結屋亂雲邊直面羣峰勢接連車馬不來真避俗簞瓢可樂便忘年移筇綠嶂成三徑回首黃塵自一川認得淵明千古意南山經雨更蒼然

長溪林一鶚秀才有落髮之願示及諸賢詩卷因題其後二首

聞說當機百念休區區何更苦營求早知名教無窮樂陋巷簞瓢也自由貧里煩君特地過金欄誰與換魚蓑宅年雲水經行遍佛法元來本不多

送德和弟歸婺源二首

十舍辛勤觸熱來琴書曾未拂塵埃秋風何事催歸興步出闔山黃葉堆十年寂寞抱遺經聖路悠悠不計程悞子南來却空去但將迂濶話平生

次韻謝劉仲行惠筍

誰寄寒林新斲筍，開奩喜見白差差。知君調我酸寒甚，不
是封侯食肉姿。

次王宰立春日大雪韻

是身已分老菟裘，宥爲春回作許愁。偶去尋芳朝信馬，却
來踏雪夜驅牛。鋪筵不見小垂手，聯句空慚高結喉。更約
桃花紅浪暖，却陪履舄上蘭舟。

送張彥輔赴闕

執手何草草，送君千里道。君行入脩門，披膽謁至尊。問君
此去談何事，袖有諫書三萬字。明堂封禪不要論，智名勇
功非所敦。願言中興聖天子，脩政從此始深仁大義
天與通農桑，萬里長春風。朝綱清軍律舉邊屯不驚卧
哮虎，一朝決策向中原。著鞭寧許它人先。

觀祝孝友畫卷

天邊雲遶山，江上煙迷樹。不向曉來看，詎知重疊數。
草閣臨無地，江空秋月寒。亦知奇絕景，未必要人看。
祝孝友作枕屏小景，以霜餘茂樹名之，因題此詩。
山寒夕飈急，木落洞庭波。幾疊雲屏好，一生秋夢多。

齋居感興二十首

余讀陳子昂感寓詩，愛其詞旨幽邃，音節豪宕，非當世
詞人所及。如丹砂空青，金膏水碧，雖近乏世用，而實物
外難得自然之奇寶。欲效其體，作十數篇，顧以思致平
凡，筆力萎弱，竟不能就。然亦恨其不精於理，而自託於
僊佛之間，以爲高也。齋居無事，偶書所見得二十篇，雖
不能探索微眇，追迹前言，然皆切於日用之實，故言亦

近而易知，既以自警，且以貽諸同志云。

崑崙大無外，旁薄下深廣。陰陽無停機，寒暑互來往。皇儀古神聖，妙契一俯仰。不待窺馬圖，人文已宣朗。渾然一理貫，昭晰非象罔。珍重無極翁，爲我重指掌。

吾翁陰陽化，升降八絃中。前瞻既無始，後際那有終。至理諒斯存，萬世與今同。誰言混沌死，幻語驚盲聾。

人心妙不測，出入乘氣機。凝冰亦焦火，淵淪復天飛。至人秉元化，動靜體無違。珠藏澤自媚，玉韞山含暉。神光燭九垓，玄思徹萬微。塵編今寥落，歎息將安歸。

靜觀靈臺妙，萬化從此出。云胡自蕪穢，反受衆形役。厚味紛朵頤，妍姿坐傾國。崩奔不自悟，馳騫靡終畢。君看穆天子，萬里窮轍迹。不有所招詩，徐方御宸極。

涇舟膠楚澤，周綱已陵夷。况復王風降，故宮黍離離。至聖作春秋，哀傷實在茲。祥麟一以踣，反袂空漣洏。漂淪又百年，僭侯荷爵珪。王章久已喪，何復嗟嘆爲。馬公述孔業，託如有餘悲。拳拳信忠厚，無乃迷先幾。

東京失其御，刑臣弄天綱。西園植姦穢，五族沉忠良。青青千里草，乘時起陸梁。當塗轉凶悖，炎精遂無光。桓桓左將軍，仗鉞西南疆。伏龍一奮躍，鳳雛亦飛翔。祀漢配彼天，出師驚四方。天意竟莫回，王圖不偏昌。晉史自帝魏，後賢盍更張。世無魯連子，千載徒悲傷。

晉陽啟唐祚，王明紹巢封。垂統已如此，繼體宜昏風。塵聚瀆天倫，牝晨司禍凶。乾綱一以墜，天樞遂崇崇。淫毒穢宸極，虐焰燔蒼穹。向非狄張徒，誰辦取日功。云何歐陽子，秉

筆迷至公、唐經亂周紀、凡例孰此容侃侃、范太史受說伊
川翁、春秋二三策、萬古開羣蒙、

朱光徧炎宇、微陰眇重淵、寒威閉九野、陽德昭窮泉、文明
昧謹獨、昏迷有開先、幾微諒難忽、善端本綿綿、掩身事
戒及此防未然、閉關息商旅、絕彼柔道牽、

微月墮西嶺、爛然眾星光、明河斜未落、斗柄低復昂、感此
南北極、樞軸遙相當、太一有常居、仰瞻獨煌煌、中天照四
國、三辰環侍旁、人心要如此、寂感無邊方、

放勛始欽明、南面亦恭己、大哉精一傳、萬世立人紀、猗歟
歎日躋、穆穆歌敬止、戒熒光武烈、待旦起周禮、恭惟千載
心、秋月照寒水、魯叟何常師、刪述存聖軌、
吾聞包犧氏、爰初闢乾坤、乾行配天德、坤而協地文、仰觀

玄渾周、一息萬里奔、俯察方儀靜、噴然千古存、悟彼立象
意、契此入德門、勤行當不息、敬守思彌敦、

大易圖象隱、詩書簡編訛、禮樂矧交喪、春秋魚魯多、瑤琴
空寶匣、絃絕將如何、興言理餘韻、龍門有遺歌、程子晚居龍門之南

顏生躬四勿、曾子曰三省、中庸首謹獨、衣錦息尚綱、偉哉
鄒孟氏、雄辨極馳騁、操存一言要、爲爾挈裘領、丹青著明
法、今古垂煥炳、何事千載餘、無人踐斯境、

元亨播羣品、利貞固靈根、非誠諒無有、五性實斯存、世人
逞私見、鑿智道彌昏、豈若林居子、幽探萬化原、

飄飄學仙侶、遺世在雲山、盜啓元命秘、竊當生死關、金鼎
蟠龍虎、三年養神丹、乃圭一入口、白日生羽翰、我欲往從
之、脫屣諒非難、但恐逆大道、偷生詎能安、

西方論緣業，卑卑喻羣愚。流傳世代久，梯接凌空虛。顧盼指心性，名言超有無。捷徑一以開，靡然世爭趨。號空不踐實，躡彼榛棘途。誰哉繼三聖，爲我焚其書。

聖人司教化，黷序育羣材。因心有明訓，善端得浚培。天叙旣昭陳，人文亦褰開。云何百代下，學絕教養垂。羣居競葩藻，爭先冠倫魁。淳風反淪喪，擾擾胡爲哉。

童蒙貴養正，孫弟乃其方。鷄鳴咸盥櫛，問訊謹暄涼。奉水勤播灑，擁篲周室堂。進趨極虔恭，退息常端莊。劬書劇嗜炙，見惡逾探湯。庸言戒癡誕，時行必安詳。聖途雖云遠，發軔且勿忙。十五志於學，及時起高翔。

哀哉牛山木，斤斧日相尋。豈無萌蘖在，牛羊復來侵。躬惟皇上帝，降此仁義心。物欲互攻奪，孤根孰能任。反躬良其

背，肅容正冠襟。保養方自此，何年秀宮林。

玄天幽且默，仲尼欲無言。動植各生遂，德容自清溫。彼哉夸毗子，咕囁徒啾喧。但逞言辭好，豈知神監昏。曰余昧前訓，坐此枝葉繁。發憤永刊落，奇功收一原。

卜居

卜居屏山下，俯仰三十秋。終然村墟迥，未愜心期幽。近聞西山西，深谷開平疇。芴茨十數家，清川可行舟。風俗頗淳朴，曠土非難求。誓捐三徑資，往遂一壑謀。伐木南山顛，結廬北山頭。耕田東溪岸，濯足西水流。朋來卽其權，客去成孤遊。靜有山水樂，而無身世憂。著書俟來哲，補過希前脩。茲焉畢暮景，何必營菟裘。

鵝湖寺和陸子壽

德義風流夙所欽。別離三載更關心。偶扶藜杖出寒谷。又
枉籃輿度遠岑。舊學商量加邃密。新知培養轉深沉。却愁
說到無言處。不信人間有古今。

奉陪機仲宗正景仁太史期會武夷而文叔茂實二
友適自昭武來集相與泛舟九曲周覽巖壑之勝
而機仲景仁唱酬迭作謂僕亦不可以無言也衰
病懶廢那復有此勉出數語以塞嘉貺不足爲外
人道也

此山名自西京傳。丹臺紫府天中天。似聞雲鶴時降集。應
笑磨螿空回旋。我來適此秋景晏。青嶺葉赤搖寒煙。九還
七返不易得。千巖萬壑渠能專。同遊幸有二三子。天界此
段非徒然。梁郎季子山澤曜。傅伯爰益瀛洲仙。相逢相得

要疆附。却恨馬腹勞長鞭。黃花未和白雪句。畫舸且共清
冷川。回船罷酒三大息。百歲誰復來通泉。景仁數日盈虛
屢誦此句有數豈終極。爲君出此窮愁篇。

復用前韻敬別機仲

君家道素幾葉傳。只今用舍懸諸天。屹然砥柱戰河曲。宥
似落葉隨風旋。奮髯忽作蝟毛磔。浩氣勃若霄中煙。隱憂
尚喜遺直在。壯烈未許前人專。武夷連日聽奇語。今我兩
腋風冷然。初如茫茫出太極。稍似冉冉隨羣仙。安能局促
夜起舞。下與祖逖爭雄鞭。終憐賢屈惜往日。亦念聖孔悲
祖川。願君盡此一杯酒。預澆舌本如懸泉。沃心澤物吾有
望。勒移忍繼鍾山篇。

讀機仲景仁別後詩語因及詩傳綱目復用前韻

道有默識無言傳向來誤矣空談天只今斷簡窺蠹蝕似
向追蠡看盡旋始知古人有妙處未遽秦谷隨飛煙終然
世累苦妨奪下帷發憤那容專一心正爾思竭至兩手欲
救驚頭然書空且復罷咄咄屢舞豈暇陪仙仙兩年罷詩
止酒故云
功名况乃身外事我馬碑元甘回鞭解頤果值得水共謂
謂
傳鑒古亦會朝宗川謂綱兩公知我不罪我便可築室分
林泉十年燈下一夜語閒日共賦春容篇

讀通鑑紀事本末用武夷唱和元韻寄機仲

先生諫疏莫與傳忠憤激烈號旻天却憐廣文官舍冷只
與文字相周旋上書乞得聊自屏清坐日對銅爐煙功名
馳驚往莫悔鈔掣職業今當專要將報答陛下聖矯首北
關還潛然屬詞此事有深意憑愚護短驚羣仙空言未秉

太史筆自幸已執雷臺鞭溫公以雷臺領書局時韓
魏公與書有執鞭之語果然

敕遣六丁取香羅漆匣浮桐川陰疑有戒竦皇鑒恭聞上
讀此書

有履霜堅
冰之語陽剝欲盡生玄泉明年定對白虎殿更誦大學
中庸篇頃在武夷宮講正心誠意

拜張魏公墓下

衡山何巍巍相流亦湯湯我公獨何往劔履在此堂念昔
中興初孽豎倒冠裳公時首建義自此扶三綱精忠貫宸
極孤憤摩穹蒼元戎二十萬一旦先啓行西征奠梁益南
轅無江湘士心旣豫附國威亦張皇編素哭新宮哀聲連
萬方黯聞褫魄經營久徬徨玉帛驟往來士馬且伏藏
公謀適不用拱手遷南荒白首復來歸髮短丹心長拳拳
冀感格汲汲勤修攘天命竟難謀人事亦靡常悠然謝言

鼎騎龍白雲鄉。坐令此空山名與日月彰。千秋定軍壘。岌
業遙相望。賤子來歲陰。烈風振高岡。下馬九頓首。撫膺淚
淋漓。山頽今幾年。志士日慘傷。中原尚
人類。幾豺狼。公還浩無期。嗣德煒有光。恭惟宋社稷。永永垂無疆。

登定王臺

寂寞番君後。光華帝子來。千年餘故國。萬事只空臺。日月
東西見。湖山表裏開。從知爽鳩樂。莫作雍門哀。

次敬夫登定王臺韻

今朝風日好。抱病起登臺。山色愁無盡。江波去不回。客懷
元老草。節物又疎梅。且莫催歸騎。憑欄更一杯。

風雪未已。決策登山。用敬夫春風樓韻。

披風蘭臺宮。看雨百常觀。安知此山雲。對面隔霄漢。羣陰

匝寰區。密雪渺天畔。峩峩雪中山。心眼悽欲斷。吾人愛奇
賞。遮發臨河嘆。我知迥寒極。見現今當泮。不須疑吾言。第
請視明且。蠟屐得腸行。籃輿或魚貫。

雪消溪漲。山色尤可喜。口占。

頭上瓊岡出。舊青馬邊流水漲。寒汀若爲留得晶熒住。交
兀長看素錦屏。

羅漢果次敬夫韻

目勞足倦登喬嶽。吻燥腸枯到上方。從遣山僧煮羅漢。未
妨分我一杯湯。

泉聲次林擇之韻

空巖寒水自悲吟。遙夜何人爲賞音。此日團樂都聽得。他
時離索試追尋。

自方廣過高臺次敬夫韻

素雪留清壁。蒼霞對赤城。我來陰壑晚。人說夜燈明。貝葉無新得。蒲人有舊盟。咄哉寧負汝。安敢負吾生。清疑作青

石廩峰次敬夫韻

七十二峰都插天。一峰石廩舊名傳。家家有廩高如許。大好人間快活年。

過高臺攜信老詩集夜讀上封方丈次敬夫韻

十年聞說信無言。草草相逢又黯然。借得新詩連夜讀。要從苦淡識清妍。

贈上封諸老

夜宿上封寺。儵然塵慮清。月明殘雪裏。泉溜隔窓聲。格納今如許。緋袍那復情。爐紅虛室暖。聊得話平生。

十六日下山各賦一篇仍迭和韻

絕頂來還晚。寒窓睡達明。連牀眇歸息。三宿悵餘情。雲合山無路。風回雪有聲。嶽祇珍重意。只此是將迎。

讀林擇之二詩有感

自此後係東歸亂藁

筍輿隨望入寒煙。每誦君詩輒黯然。今夜定知連榻夢。一時飛墮錫山前。

竹輿傲兀聽嘔啞。合眼歸心已到家。遊子上堂慈母笑。豈知行李尚天涯。

馬上贈林擇之

與君歸息渺悠哉。馬上看山首共回。認取山中奇絕處。他年無事要重來。

梅溪陂下作

野牛浮鼻過寒溪。落木前。攔水下陂。俗手定應摹不得。無人說與范牛知。

舟中見新月。伯崇擇之二友皆已醉卧。以此戲之。舟中見新月。煙浪不勝寒。與問醉眠客。豈知行路難。殘陽猶水面。孤鴈更雲端。篷底今宵意。天邊芳歲闌。

次韻擇之進賢道中漫成

白酒頻斟當啜茶。何妨一醉野人家。據鞍又向岡頭望。落日天風雁字斜。

笑指斜陽天外山。無端長作翠眉攢。豈知男子乘蓬志。里東西不作難。

夜宿林岡月滿川。歸期屈指正茫然。也知地脉無羸縮。把陰晴更問天。

誰作窓間擁鼻聲。更哦樂府短歌行。從教永夜清無寐。恐晨雞不肖鳴。

日暮重岡上。人勞馬亦飢。不妨隨野雀。容易宿寒枝。

山行兩日至金步。復見平川行夷路。計程七日可到家矣。

行穿側徑度荒山。又踏深泥過野田。路轉忽然開遠望。眼明復此見平川。江煙浦樹悲重疊。楚水關山喜接連。稅駕有期心轉迫。稜稜瘦馬不勝鞭。

次韻擇之金步喜見大江有作

江頭四望遠峰稠。江水中閒自在流。並岸東行三百里。水源窮處即吾州。

此江發源分水嶺。故前詩有楚水關山。接連之句。

鈇山立春六言二首

文公詩少

二十六

雪擁山腰洞口春。迴楚尾吳頭。欲問闔天何處。明朝嶺水南流。

行盡風林雪徑。依然水館山村。却是春風有脚。今朝先下柴門。

九日登天湖以菊花須插滿頭歸分韻賦詩得歸字

去歲瀟湘重九時。滿城寒雨客思歸。故山此日還佳節。黃菊清鐘更晚暉。短髮無多休落帽。長風不斷且吹衣。相看下視人寰小。祇合從今老翠微。

歸報德再用前韻

幾枝藤竹醉相攜。何處千峰頂上歸。正好臨風眺平楚。却須入谷避斜暉。酒邊泉溜寒侵骨。坐上嵐光翠染衣。踏月過橋驚易晚。林柯回首更依微。

次知郡章文遊山之韻

前峰鸞鶴去無踪。解后荒尋得故宮。但覺風煙隨意好。便驚塵土轉頭空。提壺命駕幽期遠。投簡哦詩妙處同。安得西山一丸藥。共隨簫鼓向雲中。

送林擇之還鄉赴選三首

青驪去路欲駸駸。回首猶須話此心。一別便成三數月。有疑誰講過誰箴。

門外槐花似欲黃。高堂應望促歸裝。箇中自有超然處。守學兒曹一例忙。

今朝握手送君歸。馬上薰風拂面吹。不用丁寧防曲學。冥窓久矣共心期。

擇之寄示深卿唱和烏石南湖佳句輒次元韻

未識南湖景，遙欣二子遊。賞心并勝日，妙語逼清秋。驥欲
攜書卷，相將買釣舟。微吟歸去晚，杜若滿汀洲。
平湖渺空濶，積水暮生寒。但見綠千頃，不知深幾竿。人固
元迫隘，世路足艱難。若了滄洲趣，無勞正眼言。

擇之賢友歸途左顧示以四明酬唱煥燿盈編三讀
咏嘆想見聚遊之樂輒用黃山卽事之韻賦呈
之兼懷子重老兄順之賢友

十年身卧白雲堆，已分黃塵斷往回。不是幽人遺俗去，肯
尋流水渡關來。三秋風月從頭說，千里湖山靚面開。久
過逢須一快，豈知勞結倍難裁。

遊密庵分韻賦詩得還字

我行得佳友，勝日尋名山。春山旣妍秀，清溪亦潺湲。

造禪扉小，躡腰脚頑。窮探意未已，理策重躋攀。人各翫
密俯澗，隨泓灣。誰將百尺綯，挂此長林間。雄聲殷地厚，洪
源瀉天慳。偉哉奇特觀，償此一日閒。所恨境過清，悄愴暮
當還。顧步三嘆息，人生何苦艱。

遊密庵分韻賦詩得絕字

闡鄉饒奇山，仙洲故稱傑。巍然一峰高，復與眾山絕。傳聞
極目處，天水遠明滅。萬里倏往還，三光下羅列。我來發孤
興，徑欲躋巉嶮。病骨竟支離，何當攀去轍。

游畫寒以茂林脩竹清流激湍分韻賦詩得竹字

仙洲幾千仞，下有雲一谷。道人何年來，借地結茅屋。想應
厭塵網，寄此媚幽獨。架亭俯清湍，開徑玩飛瀑。交遊得名
勝，還往有篇牘。杖屨或鼎來，其此巖下宿。夜燈照奇語，曉

策散游目茗椀共甘寒蘭臯薦清馥至今壁間字來者必
三讀再拜仰高山懔然心神肅我生雖已後久此寄齋粥
孤興屢呻吟羣遊幾追逐十年落塵土尚幸不遠復新涼
有佳期幾日戒征軸宵興出門去急雨遍原陸入谷尚輕
埃解裝已銀竹虛空一瞻望遠思翻感愍袒跣亟躋攀冠
巾如膏沐雲泉增舊觀怒響震寒木深尋得新賞一簣今
再覆同來况才彥行酒屢更僕從容出妙句珠貝爛盈氣
後生更甕甕俊語非碌碌吾纓不復洗已失塵萬斛所恨
老無奇千毫真浪禿

圭父約爲金斗之遊次韻獻疑聊發一笑

幾日春風未破寒遠峰晴露玉嶺旣不成蠟屐攜筇去且
復釣窓挂頰觀聞道追遊當作意故應期日尚能寬

凍合無亟練却恐詩翁興易闌

奉酬圭父未利之作

玉蘂琅玕樹天香知見薰露寒清透骨風定遠含芬爽
銷繁暑高情謝曉雲遙憐河朔飲那得醉時聞

雲關

白雲去復還黃塵到難入只有澗水聲出關流更急

蓮沼

亭亭玉芙蓉迥立映澄碧只愁山月明照作寒露滴

杉逕

南起雲關口縈迂上草堂天風發清籟山月度寒光

雲莊

小丘橫翠几層嶂復嗟峨釋未閒來看巖姿此處多

泉硤

入關但平田復此得清響何必問真源神襟一蕭爽

石池

兩岸蒼峭石護此碧泓寒秋月來窺影驪珠吐玉盤

山檻

山檻一悵望恨此雲迷谷仙人不可期縹緲雙鬢綠

藥圃

長鑿斷靈根時此泉下圃珍劑未須論丹黃已煨

井泉

山高澤氣通石竇飛靈液默料谷中雲多應從此出

西寮

畚田種胡麻結草寄林樾珍重無心人寒樓弄明月

晦菴

憶昔屏山翁示我一言教自信久未能巖棲冀微效

懷仙

西望多奇峰北瞰獨仙府欲致武夷君石壇羅杯醕

揮手

山臺一揮手從此斷將迎不見塵中事惟聞打麥聲

雲社

自作山中人即與雲為友一甯雨紛紛無勞三奠酒

桃溪

澗裏春泉響種桃泉上頭爛紅紛委地未肯出山流

休菴

別嶺有精廬林巒亦幽絕無事一往來茶瓜不須設

雲谷合記事目效俳體戲作三詩寄李通

雲關須早築。基趾要堅牢。我竹行教密。穿池岸欲高。乘春
 移菡萏。帶雪覓蕭條。謂杉更向關門外。疏泉斬亂蒿。
 堂成今六載。上雨復旁風。逐急添茆蓋。連忙畢土功。謂柱
 塼。桂林何日秀。蘭徑幾時通。并築雙臺子。東山接水筒。
 莊舍宜先立。山楹却漸營。泉疏藥圃潤。堰起石池清。早印
 荒田契。仍標別戶名。想應頻檢校。祇恐欠方兄。

彥集奉檄歸省示及佳篇次韻奉酬呈諸兄友

遊子思親久。聚糧不堪官裏簿。書忙平生况少鷹鷂意。此
 日尤慙時世粧。臘雪未消歡奉檄。春風初轉喜還鄉。上堂
 佳慶從容問。一嚼何妨累十觴。

彥集兄再適臨江惠顧蓬萊賦詩留別眷子良勤次

韻祖行言不盡意

賸喜君才老更成。伊優叢裏見孤撐。官身未免心徒壯。親
 膝頻逢淚欲橫。簿領不嫌春筍束。廉聲要比玉壺清。枉車
 投翰殷勤甚。安得仁言與贈行。

宿休菴用德功壁間韻贈陳道人

暮入千峰裏。寒棲一草菴。室連丹竈暖。厨引石泉甘。塵慮
 紛難到。神光暖內含。非君有道氣。孤絕詎能堪。

崇壽客舍夜聞子規得三絕句寫呈平父兄煩為轉

寄彥集兄及雨縣間諸親友

空山初夜子規鳴。靜對琴書百慮清。喚得形神兩超越。不
 知底是斷腸聲。
 空山中夜子規啼。病怯餘寒寬故衣。不為明時堪眷戀。久

知岐路不如歸。
空山後夜子規號。斗轉星移月尚高。夢裏不知歸未得。已
驅黃犢度寒臯。

入南康界閱圖經。感陶公李渤劉凝之事。戲作。

長官定笑歸來晚。中允應嫌去却回。惟有山人莫相笑也。
曾還俗做官來。

立秋日同子澄寺簿及僉判教授二同寮星子令尹
約周君段君同遊三峽過山房登折桂分韻賦詩
得萬字輒成十韻呈諸同遊

抗塵幾何時。猿鶴共悲怨。豈知朱墨暇。乃適山水願。茲晨
秋令初。休沐謹邦憲。佳賓忽四來。英僚亦三勸。駕言北郭
門。謝此旗隼建。散目山崔嵬。縱轡路脩蔓。凭欄快倒峽。躋

壑困脫輓。追攀林樾深。懽喜脚力健。登高眺遠浦。衆景爭
自獻。何必仍丹丘。徑欲凌九萬。

分韻得眠意二字。賦醉石簡寂各一篇。呈同遊諸兄。
驅車何所適。往至秋雲邊。企彼澗中石。舉觴酌飛泉。懷哉
千載人。矯首辭世喧。淒涼羲熙後。日醉向此眠。仰視但青
冥。俯聽驚潺湲。起坐三大息。涕泗如奔川。神馳北關陰。思
屬東海壖。丹衷竟莫展。素節空復全。低徊萬古情。惻愴顏
公篇。爲君結茅屋。歲暮當來還。醉石

天秋山氣深。日落林景翠。亦知後騎迫。且復一流憩。環瞻
峰列屏。迥矚泉下漣。永懷仙陸子。久挹浮丘袂。于今知幾
載。故宇日荒廢。空餘醮壇石。香火誰復繼。更憐韋刺史。五
字有真意。虎竹付歸人。悲風起橫吹。沉吟向絕迹。浩蕩發

幽寄來者知為誰念我儻三喟簡寂

遊白鹿洞熹得謝字賦呈元範伯起之才三兄并示

諸同遊者

歲月有環周窮臘忽受謝眷眷山水心幸此朱墨暇招呼
得良友邂逅成風駕深尋故轍迹喜見新結架永懷拾遺
公藏器此待價橫流詩書澤下及楊李霸炎神撫輿運制
作流大化石室萬卷藏綸言九天下規模未云遠荒莽良
可詫自非賢邑宰誰復此精舍會當求救賜畢願老耕稼
更與盡心期臨流抗風謝

白鹿講會次卜丈韻

宮墻蕪沒幾經年祇有寒煙鍊澗泉結屋幸容追舊觀題
名未許續遺編請為洞主不報青雲白石聊同趣謂西澗劉公霽月光

風更別傳

謂廉溪夫子

珍重箇中無限樂諸郎莫苦羨騰翬

和張彥輔初到南康之句

十年不共賦陽春正有胷中萬斛塵失喜清詩還入手細
看佳句轉驚人知公近覺青山好顧我頻嗟白髮新肯過
寒齋共尊酒向來心事請深陳

秋日告病齋居奉懷黃子厚劉平父及山間諸兄友
出山今幾時忽忽歲再秋江湖豈不永我興終悠悠况復
逢旱魃農畝無餘收赤子亦何辜黃屋勞深憂而我忝朝
寄政荒積愆尤懷痾卧空閣惻愴增綢繆東南望故山上
有玄煙浮平生采芝侶寂寞今焉信朝遊雲峰巔夕宿寒
巖幽為我泛瑤瑟冷然發清謳裂牋寄晨風問我君何求
洪濤換君枕狹硤摧君輶君還苦不早無乃非良謀再拜

謝故人。低徊更包羞。桂華幸未歇。去矣從公游。

夜坐有感

秋堂天氣清。坐久寒露滴。幽獨不自憐。茲心竟誰識。讀書久已懶。理郡更無術。獨有憂世心。寒燈共蕭瑟。

戲贈勝私老友

槐花黃盡不關渠。老向功名意自疎。乞得山田三百畝。青燈徹夜課農書。勝私先侍講嘗著農書三卷

代勝私下一轉語

確下泉鳴溜決渠。屋頭桑樹綠扶疎。朱虛正自知田裏馬。服何妨讀父書。

和戴主簿韻

平生本自好樓居。况接高人永晝餘。共喜江山入尊俎。從

教幕府省文書。感君宵出新詩句。恨我終思舊草廬。擬借

韋編訂龍馬。免推納甲話蟾蜍。戴嘗有麻衣易說自以為得之異人云

奉同尤延之提舉廬山雜詠十四篇

白鹿洞書院

在郡城東北十五里事見記文

昔人讀書地。町疇白鹿場。世道有升降。茲焉更表章。矧今中興年。治具一以張。絃歌獨不闕。山水無輝光。荒榛適剪除。聖謨已汪洋。亦有皇華使。官來登此堂。問俗良懇惻。懷賢增慨慷。雅歌有餘韻。絕學何能忘。

折桂院黃雲觀

在書院東北五里院後作亭取李黃雲觀白黃雲萬里動風色之句名之

城中東北望。五老何蒼蒼。下有前朝寺。一原頗深藏。門前林澗幽。屋後雲木荒。閒窓亦明潔。著此瑞錦張。僧房有瑞香花更能理枯筇。步上林北岡。仰視天宇濶。俯瞰江流長。即黃雲觀

書彼何人。姓字不足詳。竹帛有遺臭。桂樹徒芬芳。李逢吉嘗讀書此院去而登第以故得名

楞伽院李氏山房在折桂西十里李公擇讀書處有東坡記文詩刻枯樹墨跋

躡石循急澗。穿林度重岡。倪入幽谷窅。仰見奇峰蒼。李公英妙年。讀書此雲房。一去上臺閣。致身何慨慷。蘇公記誌書。文字有耿光。餘事亦騷雅。戲墨仍風霜。兩公不歸來。歲月忽已荒。何用建遺烈。寒泉薦孤芳。

棲賢院三峽橋在楞伽西五里

兩岸蒼壁對。直下成斗絕。一水從中來。湧滴知幾折。石梁據其會。迎望遠明滅。倏至走長蛟。捷來翻素雪。聲雄萬雷震。勢倒千巒嶮。足掉不自持。魂驚詎堪說。老仙有妙句。千古擅奇崛。尚想化鶴來。乘流弄明月。

西澗清淨退庵

在棲賢西三里劉凝之監作亭黃大史詩語名之

凌兢度三峽。窈窕復一原。絕壁擁蒼翠。奔流逝潺湲。聞昔避世人。寄此茅三間。壯節未云遠。高風杳難攀。深尋得遺墟。縛屋臨清灣。坐眺寒木杪。飛泉闕雲關。茲游非昔游。累解身復閒。保此清淨處。當歌不能緩。解印後與友生游集徘徊久之

卧龍庵武侯祠

在西澗西三里

空山龍卧處。蒼峭神所鑿。下有寒潭幽。上有明河落。我來愛佳名。小築寄幽豁。永念千載人。丹心豈今昨。莫姿儼繪事。凜若九原作。寒藻薦芳馨。飛泉奉明酌。公來識此意。顧步慘不樂。抱膝一長吟。神交付冥漠。

萬杉寺

在卧龍西十里

休沐聊命駕。駕言何所之。行尋慶雲寺。想像昭陵時。門前

杉徑深屋後杉色奇空山歲年晚鬱鬱凌寒姿當年雨露
恩千載有餘滋匠石不敢斲孤標儼相持寺前後杉萬本皆天聖中植有
旨禁剪伐者更啓石室藏仰瞻天像垂願以清淨化永爲太平
寺藏仁祖御飛白書有清淨字

開先漱玉亭 在萬杉西二里亭舊在橋上今廢

奇哉康山陽雙劍屹對起上有橫飛雲下有瀑布水崩騰
復璀璨佳麗更雄偉勢從三梁外影落明湖裏平生兩仙
句詠嘆深仰止三年落星灣悵望眼空際今朝隨杖屨得
此弄清泚更誦玉虹篇塵襟諒昭洗

簡寂觀 在開先西五里陸脩靜所居

高士昔遺世築室蒼崖陰朝真石壇峻煉藥古井深結交
五柳翁屢賞無絃琴相攜白蓮渚一笑傾夙心晚歲更市

朝故山鎖雲岑柴車竟不返鸞鶴空遺音脩靜晚爲宋明帝召至建康卒
于崇虛館我來千載餘舊事不可尋四顧但絕壁苦竹寒蕭慘
相傳竹是脩靜手植其萌卽所謂甜苦筍者

歸宗寺 在簡寂西十里

金輪紫霄上寶界鸞溪邊往昔王內史願香有餘煙相傳寺是王右軍故宅
妍不辭原隰勞樂此賓從賢訪古共紆鬱勞農獨勤拳憐
我乖勝踐裂牋寄真詮逃禪公勿遽且畢區中緣是日嘉得陪杖屨

陶公醉石歸去來館 在歸宗西五里

予生千載後尚友千載前每尋高士傳獨歎淵明賢及此
逢醉石謂言公所眠况復巖壑古縹緲藏風煙仰看喬木

陰俯聽橫飛泉。景物自清絕。優游可忘年。結廬倚蒼峭。舉觴酌潺湲。臨風一長嘯。亂以歸來篇。

温湯

在醉石南二里

連山西南來。中斷還崛起。干霄幾千仞。據地三百里。飛峰上靈秀。衆壑下清美。逮茲勢力窮。猶能出奇偉。誰燃丹黃燄。爨此玉池水。客來爭解帶。萬劫付一洗。當年謝康樂。絃絕今已矣。水碧復流温。相息五湖裏。康樂湖中詩云。水碧也。取。

康王谷水簾

谷口景德觀在温湯西十五里。人谷又十五里至簾下。

循山西北驚崎嶇。幾經丘。前行荒蹊斷。豁見清溪流。一涉皇殿古。再涉川原幽。縈紆復屢渡。乃得寒巖陬。飛泉大石來。一落散不收。披崖日璀璨。噴壑風颼颼。追薪爨絕品。

茗澆窮愁敬酌古陸子何年復來遊

陸鴻漸茶經第北。為天下第一。

落星寺

在郡城南湖中

浩浩長江水。東逝無停波。及此一回瀟。湖平煙浪多。孤嶼屹中川。層臺起周阿。晨望愛明滅。夕游驚蕩磨。極目青冥茫。回瞻碧嵯峨。不復車馬迹。唯聞榜人歌。我願辭世紛。茲焉老漁蓑。會有滄浪子。鳴舷夜相過。

游天池

三年落星渚。北望天池山。臨風幾浩歎。欲往無飛翰。今朝復何朝。陟此青雲端。高尋已奇絕。俯瞰何其寬。西窮濂溪源。東盡溢城關。渺然滄波外。淮山碧連環。我意殊未極。更思出塵寰。何當駕輕鴻。八表須臾間。視此長江水。滔滔儻西還。

山北紀行十二章章八句

祇役廬山陽矯首廬山陰雲峰不可觀碧澗何由尋昨朝

解印章結友同窺臨盡彼巖壑勝滿茲仁知心予以閏月

罷郡是夕出城宿羅漢二十八日宿白鹿二十九日登黃

雲觀度三峽窺玉淵憩西澗飲西原宿卧龍四月一日過

開先宿歸宗二日浴湯泉入康王谷觀水簾宿景德觀三

日與清江劉清之子澄水嘉張揚卿清叟尋陽王阮南卿

周願龜父長樂林用中擇之洛陽趙希漢南紀會稽陳祖

永慶張武當補真卿師忠溫陵吳兼善仲達廬陵許子春

景陽新安胡莘尹仲建安王朝春卿長樂全陽古之陳士

直彥惠黃幹季直臨淮張彥先致遠會稽僧指南明老俱

行窺臨事若何請從圓通說逶迤山門路情舊簡篋列溪

仍侯家名屋是孱王設何救忝離歌喟焉傷覆轍地名侯

溪本侯氏所居李後主取以為寺行逢石門雨解驂寒澗

無它奇但門徑竹木深茂可觀耳

東朝齊錦繡谷俯仰春三潭懸泉忽泚瑋雜樹紛青紅屢

憩小亭古幽探思無窮石門澗正在天池山下有小菴二

山道錦繡谷再過小橋橋背

有亭下又有亭基二小亭一竦身長林端策足層崖表仰

瞻空界濶俯歎塵寰小天池西嶽登佛手東窈窕杖屨往

復來憑軒暇歸鳥盡錦繡谷登山稍高無復林木坡陀而

水不竭東過佛手巖石室嵌空中有井泉僧緣崖

結架以居下臨錦繡谷又有石榻名遠公講經臺

雲合白日無餘暉金波從地湧寶燄穿林飛僧言自雄誇

俗駭無因依安知本地靈發見隨天機天池院西數步有

是遊人請燈處僧云燈非禱不見是日不禱而光景明滅

頃刻異狀諸生或疑其妄予謂僧言則妄而此光不可誣

豈地氣之深尋兩林間清波貫華屋蓮社有遺蹤草堂非

舊築修廊餘故刻好醜雜珉玉亦復記經行深慙後人讀

厭百谷喧旦失千峰稠出門有遺恨回首空綢繆晚至太

宮唐允天使者祠也江州教授翁名卿載酒有與山水誠

乃奇云誰究終始曩遠亦何人神君豈其鬼東西妄采獲

誣語其恢詭百世踵謬訛夔倫日頽圯東林慧遠雜取孔

嘗著沙門不敬王者論唐明皇自言親見使者降於

日狂乾坤有真心日月垂休光茫茫宇宙內此柄孰主

北渡石塘橋西訪濂溪宅喬木無遺株虛堂唯四壁城瞻

德容睥跪薦寒流碧幸矣有斯人渾淪再開闢平生勞仰

止今日登此堂願以圖象意質之中几徇先生寂無言賤

子弟泗流神聽儻不遺惠我息無疆六日拜濂溪先生書

人說太極圖義先生之曾孫彦卿正明晨江磯寺尊酒聊

對設孰是十日遊遽成千里別英僚樹嘉政素友屬孤節

努力莫相忘清宵其明月七日薛洪持志王仲傑之才攜

還軍子澄許張歸廬陵南卿龜父還家擇之之湖南予與

買船至演平拜建康劉公墓下遂入城假館梅山堂

感涕有作

維舟新曆口步上秣陵阡高丘忽嵯峨宿草迷荒烟拜起

淚再滴哀哉不能言驅車且復東借此虛堂眼念昔堂中

人經營幾何年一旦舍之去千秋不言還露井益清冽風

林更修鮮息公獨不見涕下如奔川感慨西州門愴恨山

陽篇晤歎日隱樹悲歌月當軒堂堂忠孝心終古諒弗諼

尚與吳門子歸來故山巔

晚雨涼甚偶得小詩請問遊山之日并請劉平父作

主人二首

幾年不踏仙洲路，夢入青藤古木間。好趁新秋一番雨，晝寒亭下弄潺湲。

廬阜歸來祗短筇，解包茶茗粗能供。若須載酒邀賓客，付與屏山七老翁。

昨爲許進之書胎仙字，因以名其室。或疑欠舞字者，故作此以解之。

寒山寒月冷颼颼，隻影孤桐萬里遊。帝樂夢回三疊遠，胎仙舞罷一簾秋。未愁悄寂無人會，只恐踟躕不自休。却笑蕊珠何處所，兩忘蝴蝶與莊周。

熹伏蒙休齋先生惠詩見畱，謹次高韻二首。

忽驚蕭颯鬢毛秋，起向泉山覓舊遊。盤谷門前淚沾臆，雲

臺溪上雪蒙頭。歸歟吾黨又千里，老矣心期但一丘。珍重休齋書滿屋，可無三宿爲君留。

望望西山日幾回，更隣一雨洗浮埃。遠遊莫說雲門寺，往事聊尋單父臺。雞犬蕭疎迷洞口，交親零落半巖隈。尊前見在君須鬪，速上籃輿相逐來。

奉酬九日東峰道人溥公見贈之作

幾年回首夢雲關，此日重來兩鬢斑。點檢梁間新歲月，招呼臺上舊溪山。三生漫說終無據，萬法由來本自閒。一笑支郎又相惱，新詩不落語言間。

伏承侍郎使君垂示所與少傅國公唱酬西湖佳句，謹次高韻聊發一笑。

越王城下水融融，此樂從今與衆同。滿眼芰荷方永日，轉

頭禾黍便西風。湖光盡處天空濶。潮信來時海氣通。酬唱不誇風物好。一心憂國願年豐。

石馬斜川之集分韻賦詩得燈字

改歲風日好。出門欣得朋。復招里中彥。及此雲間僧。行行涉清波。斯亭一來登。徙倚綠樹蔭。摩挲蒼石稜。遙瞻原野春。仰視天宇澄。一水既紆鬱。羣山正峻嶒。時禽悅新陽。潛魚躍輕水。却念去年日。俯仰愁予膺。長吟斜川詩。日落寒煙凝。暝色變晴景。清尊照華燈。顏顏感川徂。稚齒歡年增。酒盡不能起。朱欄各深凭。

行視武夷精舍作

神山九折溪。沿泝此中半。水深波浪濶。浮綠春渙渙。武夷九曲多急流亂石此第五曲水特深濶平緩綠漪可愛上有蒼石屏。百仞聳雄觀。巖

巖露垠堦。突兀倚霄漢。此峰表上削下。地峭立如。方屋帽。按舊圖。七大隱屏。淺麓

下縈迴。深林久叢灌。胡然閱千載。逮此開一旦。峰下小山平地數十丈。喬木長藤。茂林修竹。交相蔽隱。舊無。乾道已丑。予舟過而樂之。及今始能卜築。以酬曩志。我

乘新村船。輟棹青草岸。榛莽喜誅鉏。面勢窮考按。居然一

環堵。妙處豈輪奐。左右轟奇峰。躊躇極佳玩。方經始時。予至是送別山。西始自新村。買川以來。視所縛屋三間。制度殊草草。然背負大隱屏面。直。巖南大山。左有魏王上昇峰。右有鍾模三敘。等石極為雄勝。紅綠紛有爛。好鳥時一鳴。王

孫遠相喚。彌山多暫遊。意已愜。獨往身猶絆。珍重舍瑟人。重

來足幽伴。已約初夏與同志。皆往遊集。

淳熙甲辰仲春精舍閒居戲作武夷權歌十首呈諸

同遊相與一笑

武夷山上有仙靈。山下寒流曲曲清。欲識箇中奇絕處。權

武夷山上有仙靈。山下寒流曲曲清。欲識箇中奇絕處。權

武夷山上有仙靈。山下寒流曲曲清。欲識箇中奇絕處。權

歌閒聽雨三聲

一曲溪邊上釣船，幔亭峰影蘸晴川。虹橋一斷無消息，萬

壑千巖鎖翠煙。

二曲亭亭玉女峰，插花臨水為誰容。道人不復荒臺夢，與

入前山翠幾重。

三曲君看架壑船，不知停櫂幾何年。桑田海水今如許，泡

沫風燈敢自憐。

四曲東西兩石巖，巖花垂露碧毵毵。金雞叫罷無人見，月

滿空山水滿潭。

五曲高山雲氣深，長時煙雨暗平林。林間有客無人識，款

乃聲中萬古心。

六曲蒼屏遶碧灣，茅茨終日掩柴關。客來倚櫂巖花落，猿

鳥不驚春意閒。

七曲移船上碧灘，隱屏仙掌更回看。人言此處無佳景，只

有石堂空翠寒。

後二句一本作：憐昨夜峰頭雨，添得飛

八曲風煙勢欲開，鼓樓巖下水縈回。莫言此處無佳景，自

是遊人不上來。

九曲將窮眼豁然，桑麻雨露見平川。漁郎更覓桃源路，除

是人間別有天。

過蓋竹作二首

二月春風特地寒，江樓獨自倚闌干。箇中詎有行藏意，且

把前峰細數看。

浩蕩鷗盟久未寒，征驂聊此駐江干。何時買得魚船就，乞

與人間畫裏看。

答袁機仲論啓蒙

忽然半夜一聲雷，萬戶千門次第開。若識無心含有象，許君親見伏羲來。半夜一本作平地

觀林長仁書卷戲題問答

猿去山空鶴亦飛，柴門空掩釣魚磯。門前樹葉都黃了，何事幽人久不歸。

為愛雲泉百尺飛，故將茅屋傍苔磯。幾年清夢黃塵裏，此日秋風一棹歸。

題嚴居厚溪莊圖

平生生涯一短篷，只今回首畫圖中。平章箇裏無窮事，要見三山老放翁。謂陸務觀時嚴居厚之官剡中

承事卓丈置酒白雲山居飲餞致政儲丈叔通因出

佳句諸公皆和

輒亦繼韻聊發坐中一笑。此題一本

作白雲寺送詩

老去讀書秋樹根，山林身女定誰尊。偶緣送客來僧寺，却似披雲卧石門。物外祇今成跌蕩，人間何處不啾喧。一杯且為陽關盡，雙目從教別淚昏。東坡賦徐德占舊居有一為兒女說始覺山林尊之句

丙辰正月三日贈彭世昌歸山

象山聞說是君開，雲木參天瀑響雷。好去山頭且堅坐，等閒莫要下山來。

懷潭溪舊居

憶住潭溪四十年，好峰無數列窻前。雖非水抱山環地，却是冬溫夏冷天。遠舍扶疎千箇竹，傍崖寒冽一泓泉。誰教

失計東遷繆。憊卧西窗日滿川。

戲答楊庭秀問訊離騷之句二首

昔誦離騷夜扣舷。江湖滿地水浮天。只今擁鼻寒窓底。爛却沙頭月一船。

春到寒汀百草生。馬蹄香動楚江聲。不甘強借三峰面。且

為靈均作杜蘅。佛法不怕爛却禪家話也。杜蘅一名馬蹄香。本草辨為藥云。蘇辛作杜蘅水浸令直。三峰謂華陰也。

蒙恩許遂休致陳昭遠丈以詩見賀已和答之復賦

一首

闌干首箔久空繁。未覺清羸帶眼寬。老去光華茲黨籍。向來羞辱侍臣冠。極知此道無終不。且喜閒身得暫安。漢祚中天那可料。明年大歲又君反。湯昆難。建隆庚申。距今已未。百四十年矣。常記

年十歲時先君慨然顧語。冀曰。太祖受命至今百八十年矣。嘆息久之。銘佩先訓於今甲子。又復一周。而衰病零落。終無以少塞臣子之責。因和此詩。并記其語。以示兒輩。為之盡然感涕云。

已未九日子服老弟及仲宣諸友載酒見過坐間居厚廟令出示佳句。歎伏之餘。次韻為謝。并呈同社

諸名勝

籬菊斑斑半吐黃。泝中又報紫萸香。輞川有茱萸泝。字與泝同。衰成令

節秋還晚。撩得高情老更狂。載酒極知垂勝踐。沾衣却免

歎斜陽。是日本約會於周園。屬予有故不果出。因集予舍。餘年只恐逢辰少。吟罷

君詩引興長。

和劉叔通懷游子蒙之韻

扣角聽君悲復悲。壯心未已欲何之。交遊半落丘山外。離別偏傷老大時。尚喜淵潛容賈誼。不須日飲教袁絲。病餘

我更無繆賴勉為同懷一賦詩。余素不能作唐律和韻尤
彊子服乃今更為手寫此三詩者不知欲以何用最起書
罷欲記歲月方覺是庚申開基節日此亦難逢之會感
久之

叔通老友探梅得句不鄙垂示且有領客攜壺之約

次韻為謝聊發一笑

迎霜破雪是寒梅何事今年獨晚開應為花神無意管故
煩我輩著詩催繁英未怕隨清角疎影誰憐蘸綠杯珍重
南鄰諸酒伴又尋江路覓香來

寄江文卿劉叔通

文卿句律如詩律通叔詩何絕世情政使暮年窮到骨不
教吟出斷腸聲

詩人從古例多窮林下如下又兩翁應笑湖南老賓友兩

年吹落市塵中此戲子蒙恐落窮籍不便可發一笑也

我窮初不為能詩笑殺吹竿濫得癡吳向人前浪分雪世
間真偽有誰知僕不能詩往歲為澹菴胡公以此論薦平
生僥倖多類此云

梅

姑射仙人冰雪容塵心已共彩雲空年年一笑相逢處未
在愁煙苦霧中

次晦叔寄弟韻二首

聞道君歸湘水東經行長在白雲中詩成天柱峰頭月酒
醒朱陵洞裏風舊學難酬香一瓣流年誰管鬢雙蓬書來
為指謫訛處不涉言詮不落空

試上閩山望楚天雁飛欲斷勢還連憑將袖裏數行字與
問雲間雙鬢仙我訪舊遊終有日君歸故里定何年祇今

千里同心事。靜對簾紗獨喟然。

次范碩夫題景福僧開窻韻

昨日土墻當面立。今朝竹牖向陽開。此心若道無通塞。明暗何緣有去來。

吳山高

行盡吳山過越山。白雲猶是幾重關。若尋汗漫相期處。更在孤鴻滅沒間。

苦雨用俳諧體

仰訴天公雨太多。纔方欲住又滂沱。九關虎豹還知否。爛盡田中白死禾。
楚詞招魂云。虎豹九關。啄害下人些。

蘭

護種秋蘭四五莖。疎簾底事太關情。可能不作涼風計。護

得幽香到晚清。

讀十二辰詩卷。掇其餘作此聊奉一笑。

夜聞空篔簹。齧飢鼠。曉駕羸牛耕廢圃。時才虎圈聽豪夸。舊業兔園嗟鹵莽。君看蜚龍卧三冬。頭角不與蛇爭雄。毀車殺馬罷馳逐。烹羊酤酒聊從容。手種猴桃垂架綠。養得鷓鷄鳴角角。客來大吠催煮茶。不用東家買猪肉。

水口行舟二首

昨夜扁舟雨一蓑。滿江風浪夜如何。今朝試卷孤蓬看。依舊青山綠樹多。

鬱鬱層巒夾岸青。春山綠水去無聲。煙波一棹知何許。鷓鷄鳴兩山相對鳴。

桐廬舟中見山寺

一山雲水擁禪居。萬里江樓遶屋除。行色怱怱吾正爾。春風處處子何如。江湖此去隨漚鳥。粥飯何時共木魚。孤塔向人如有意。他年來借一蘧蔭。

胡文廣仲與范伯崇自嶽市來同登絕頂舉酒極談得聞此日講論之樂

我已中峰住。君從何處來。莫留巖底寺。徑上月邊臺。濁酒團團坐。高談次第開。前賢渺安在。清酌寄餘哀。

